

Descontento creciente: Ciudadanonan ta cuestiona proceso pa scoge careteranan pa reparacion



Pagina 3

- Retonan di Corsou ta bon conoci, pero ehecucion ta keda e punto debil

Pagina 8

- Delcy Rodríguez a priminti aumento di salario na Venezuela

Pagina 10

- Hinc pasobra a bisa no: Misoginia online ta impulsando violencia na Brazil?

Pagina 18

Sucesonan reciente ta causando preocupacion pa cu seguridad na beach di Aruba




Pagina 2

Ucrania y Rusia lo para combate durante Pasco Ortodox



Pagina 23

Israel y Libanon lo tene combersacion di acuerdo pa stop combate otro siman



Pagina 22

TUI DEALS
AMSTERDAM
BIAHE IDA I BUELTA FOR DI
AWG 1491,-
pa persona

OP=OP



E preis mensioná ta un preis di komienzo di un biahe ida i buelta pa persona ekaluando gastunan di reservashon, i ta reservá di kambionan di preis i eronan di imprenta.

Skén e QR-code pa e oferta aki



The Winning Ticket Hours

Your Friday, Your Winning Ticket!

DRAWING
STARTS AT
9:30 PM

PARTICIPATE EVERY FRIDAY AND WIN AMAZING PRIZES
\$1,250 IN TOTAL PRIZES

THE CASINO AT
ST REGIS
ARUBA

Sucesonan reciente ta causando preocupacion pa cu seguridad na beach di Aruba

Den lunanan reciente, nos ta mirando cada biaha mas incidente unda nos turistanan ta perde nan bida of encontra nan mes den situacionnan di emergencia cu ta menasa nan bida na nos beachnan. Esaki ta algo cu a genera alarma entre comunidad y bishitantenan, compartiendo diferente reaccion y comentario tocante e situacion cu e isla ta mirando.

E incidentenan aki ta trata di turista cu ta perde nan bida pa situacionnan di emergencia cu ta presenta na nos beachnan, y a pesar di esfuerso pa brinda auxilio y di presencia di ambulance na su momento, lamentablemente nan ta perde nan bida.

Parti di loke ta haci beachnan manera Mangel Halto special tambe ta loke ta haci nan vulnerable. A diferencia di Palm Beach – cu ta yen di empleado di hotel, operador di tour y empleado di compania di deporte acuatico – beachnan manera Mangel Halto ta hopi mas keto y natural. No tin bendedora, empleado ni di huur stoel, ni tampoco lifeguard cu ta monitor e awa. E sitio unda nan ta, den e caso aki Mangel Halto, ta logicamente isola y por causa cu por tuma mas tempo pa trahadornan di emergencia por acudi, a comparacion di beachnan mas central.

Algun comentario riba rednan social ta trece dilanti e posibilidad cu e turistanan no tin e condicion fisico adecuado, cu un comentario contando cu “2 siman pasa mi a wak un Mericano halto y grandi. Su edad tambe tabata halto pero el a hera hoga. E no tabata por mas. Tambe na Mangel Halto. Nunca subestima lama,” y e punto aki tin logica su tras. E beachnan cu cual nos turistanan ta custuma na cas, hopi biaha no ta mescos y ta mas keto cu e beachnan cu nan ta bishita na Aruba, cual ta haci cu tin un falta di preparacion, habilidad y condicion ora di drenta nos beach.

Di otro banda, algun ta haci yamado na autoridadnan concerni pa considera pone borchis pa bishitantenan di e beach no asumi cu pasobra “e awanan no ta muestra hundo, nan ta safe. Nan mester borchis di advertencia poni tur caminda pa landa bao bo propio riesgo. Tambe e awa ta traicionero. E ta cambia di nivel tur caminda.” Esaki ta otro punto valido, pa motibo cu ora ta trata di nos beachnan mas remoto y aparta, tin un falta di borchis, advertencia y educacion facilmente y frecuentemente visible pa esnan cu bishita e beachnan.

Tur esaki ta trece dilanti e pregunta cu autoridadnan local y lidernan di turismo mester confronta: e seguridad di infraestructura na beachnan manera Mangel Halto ta suficiente pa e volumen y perfil di bishitantenan cu nan



ta atrae? E realidad ta cu un solucion pa e situacion aki ta birando cada biaha mas necesario, pa motibo cu nos beachnan, den e caso aki Mangel Halto, ta hayando un mancha cu posiblemente por evita via cierto accion cu por tuma pa tin un miho seguridad tanto pa local como turista.

Tumando Australia como ehempel, un di e beachnan mas bishita na Australia, Bondi Beach, tin su propio ekipo di emergencia, cual ta consisti di ambos ‘lifeguard’ y ‘lifesaver’. Nan tarea principal ta di mantene tur esun cu bishita e lama, tanto local como turista, safe di e posible peligro of situacion di emergencia cu nan por encontra.

Entre e tareanan diario cu nan ta ehecuta, tin patruya tanto e beach como e condicionnan di lama henter dia, pendiente pa peligranan manera coriente di awa y ola grandi. Nan ta rescata esnan cu ta den problema den awa y ta provee prome auxilio si ta necesario. Tambe nan ta constantemente poniendo bandera cora y geel pa marca e areanan mas safe pa landa, ademas di educa esnan cu bay e beach tocante reglanan di seguridad y posible riesgonan.

Un di e motibonan principal pa e presencia di e ekipo aki ta turista. Autoridad di e pais a reconoce cu Bondi ta un di e lamanan mas famoso na mundo y ta atrae un cantidad grandi di bishitante cu entre nan, algun no tin habilidadnan hopi desaroya den landamento, no ta compronde condicionnan di lama manera coriente y no sa kico e banderanan ta nifica. Pa e motibo aki, hopi di e rescate cu e lifeguards y lifesavers boluntario ta haci, ta pa cu turista.

E ehempel aki ta trece diferente posibilidad pa Aruba. Di manera similar, e beachnan di Aruba tambe ta famoso

y reconoci rond di mundo, y ta frecuencia pa local y turista cu ta bishita Aruba, hopi biaha especificamente pa su beachnan. Mirando e sucesonan recientemente tumando luga cu nos turistanan, posiblemente a yega momento di considera posible proteccion cu por implementa na nos beachnan, specialmente esnan mas remoto y aparta. Esaki no ta un beneficio solamente pa nos turistanan, pero tambe pa nos localnan cu hopi biaha tambe ta encontra situacionnan di emergencia na beach.

E diferencia entre lifeguard y lifesaver ta cu lifeguard ta profesionalnan paga cu ta traha henter aña, mientras cu lifesaver ta boluntarionan cu training cu usualmente ta patruya den e temporadanan mas druk. Profesionalnan cu training y un salario ta e miho opcion, pa motibo cu no por nenga cu e responsabilidad lo carga hopi mas peso si esaki ta e unico enfoke y fuente di entrada pa e profesional involucra, ademas di e hecho cu no por nenga, un profesional merece compensacion monetario pa su trabao. Sinembargo, e opcion aki ta uno cu ta tuma hopi mas tempo, planificacion y recurso pa implementa, y posiblemente no ta completamente necesario mirando e grandura di nos isla y e frecuencia cu cual e incidentenan aki ta sucede.

Na mesun momento, mester reconoce e esfuerso cu esnan presente a haci pa brinda prome auxilio den ambos ocasion reciente. No tabata profesional cu training ni personal di seguridad oficial cu a responde prome, sino esnan cu tabata na lama, cu a los nan ekipo di kayak y a dirigi nan mes cu urgencia na un persona den necesidad, personanan cu a zak riba santo y a haci CPR riba un persona cu nunca a yega di conoce. Bishitante y local kende a scoge di actua te hasta den e shock y confusion di e momento, y e balentia aki ta algo di admira y elogio.

Talbes ta un miho opcion pa considera bin cu un circulo di boluntario kendenan, di mesun manera cu lifesavers na Bondi Beach, tin training pa provee rescate, prome auxilio, patruya y guia na e bishitantenan di cierto beachnan cu mas ta frecuente y durante temporadanan druk. Un sistema di indicacion tocante ki areanan ta safe pa landa y ki areanan no tambe lo ta algo util pa implementa na tur beach. Ademas, e presencia di un persona cu training pa atende cu alquier situacion cu surgi presente na beach den tur momento – dentro di su oranan di uso normal – ta algo cu semper lo ta util y te hasta necesario.

E dos victima reciente cu a fayece den incidente similar tabatin 56 y 72 aña, un grupo di edad cu ta bon representa entre e base di turista di Aruba, particularmente cu bishitantenan di Merca. Mientras e causanan medico exacto di e fayecimentonan no a keda oficialmente revela, eventonan cardiaco durante actividad fisico den awa di lama cayente no ta algo incomun entre adultonan di edad mas avansa, specialmente pa esnan cu no ta custuma cu e condicionnan menciona.

Defensoran di seguridad den awa tin hopi tempo ta argumenta cu sitionan popular pa buceo y landamento den destinonan frecuente pa turista ta rekeri mas cu e beyesa natural y ta rekeri borchinan visible di seguridad, acceso na ekipo di emergencia y idealmente, personal cu training na e sitio durante e oranan of dianan mas druk.

Tin mester di un solucion pa cu e seguridad di nos bishitante y localnan. Nos ta mirando caba un aumento den sucesonan mortal cu ta lagando un mancha riba e seguridad di nos beachnan, y ta mas miho yega na un solucion trempan cu laat.

Bishita di Secretario di Estado Van der Burg na parti Caribense di Reino ta enfoca riba explora cooperacion y desaroyo

Secretario di Estado pa Asuntunan Interior y Relacionnan den Reino Eric van der Burg ta realisando un bishita di trabao na tur e seis islanan Caribense di Reino. Aunke e bishita, cu a cuminsa dia 7 di april y lo termina dia 17 di april, ta ser presenta oficialmente como un introduccion, e contenido di e programa ta musta riba un exploracion politico mas amplio den region.



Durante e bishita, Secretario di Estado Van der Burg lo bishita Sint Eustatius, Saba, Sint Maarten, Aruba, Corsou, y Boneiro. Temanan central ta entre otro gobernacion efectivo, seguridad, resiliencia economico, y cooperacion dentro di Reino. Topiconan manera seguridad di cuminda y asuntunan social tambe lo ser atende den

discusionnan cu administrador, representantenan electo, y organisacionnan di sociedad civil.

E bishita ta sigui un estadia cortico anterior di e Secretario di Estado na maart y ta marca su prome introduccion extenso na e parti Caribense di Reino den su posicion ac-

tual. Na mesun momento, e biahe ta tuma lugar contra un background di discusionnan continuo tocante supervision financiero, reformanan economico, y efectividad administrativo dentro di e paisnan di Reino.

Pa Aruba, e programa tin un cantidad di enfasis specifico.

Van der Burg lo bishita entre otro e compania agricul- tural local Sunny Greenz, un ehempel di produccion di cuminda innovativo y duradero riba e isla. Esaki ta cuadra cu atencion mas amplio pa seguridad di cuminda y diversificacion economico den e region.

Banda di esaki e Secretario di Estado lo participa na e LGO-EU Forum na Aruba, un consulta internacional entre Union Europeo y e Paisnan y Teritorionan Ultramar. E forum aki ta trece hunto esnan cu ta traha politica, diplomatico y academiconan di varios region y ta enfoca riba cooperacion strategico pa loke ta trata crecimiento economico sostenibel, adaptacion na clima, digitalisacion y estado di derecho. E decision pa asisti na e evento aki na Aruba ta subraya e impor-

tancia di e isla dentro di partnershipnan internacional.

Riba otro islanan, e enfasis ta sinta riba proyectonan di infraestructura, reconstruccion, y dialogo den sociedad civil, manera discusionnan riba historia di sclavitud na Corsou y reconstruccion despues di paso di horcan Irma na Sint Maarten.

Aunke e bishita ta caracteriza como un recorrido di introduccion, e ta ser mira tambe como e prome posicionamento substancial di Secretario di Estado Van der Burg pa loke ta trata asuntunan di Caribe. E discusion y bishitanan di trabao mester duna bista riba e reto y prioridadnan clave riba e islanan, y determina e direccion pa futuro politica y cooperacion dentro di Reino.

Descontento creciente: Ciudadanonan ta cuestiona proceso pa scoge careteranan pa reparacion

Varios ciudadano a expresa nan descontento recientemente tocante e manera cu careteranan ta ser drecha na Aruba, cuestionando pakico algun carretera ta haya mantencion mas cu un biaha, mientras otro careteranan, cu segun nan ya tin hopi tempo den mal estado, ta keda sin atencion.

Segun e algun ciudadano a expresa, tin situacion caminda algun carretera ta ser drecha mas cu un biaha, mientras otro careteranan den diferente bario no ta haya reparacion na tempo. Esaki a crea percepcion den comunidad cu e proceso di seleccion no ta cla of husto.

Adicionalmente, algun ciudadano a muestra disgusto pa motibo cu durante e bishita di Su Mahestad Rey Willem-Alexander, tabata visibel cu infraestructura den e rutan cu e Rey a pasa a haya mantenimiento rapido. Segun nan, esaki ta contrasta cu careteranan den diferente bario cu pa hopi tempo ta wardando pa ser drecha.

Bon Dia Aruba a tuma contacto cu Departamento di Obra Publico (DOW) pa haya mas claridad riba e proceso cu ta determina cual carretera ta ser drecha of asfalta prome, si tin prioridad, y con ta ser dicidi entre yena buraco of haci reparacion completo di un carretera.

Den un reaccion, representante di DOW a confirma cu careteranan principal tin prioridad den e proceso di mantencion. Entre otro, nan a menciona rutan importante manera carretera pa aeropuerto, L.G. Smith Boulevard y e area di hotelnan como ehempel di careteranan cu ta haya atencion prome.

Pa loke ta trata reparacion di buraconan, DOW a indica cu esaki por tuma lugar na cualkier momento, dependiendo di disponibilidad di material manera asfalt. Segun nan,



no tin un momento fiho pa esaki, sino e decision ta basa riba condicionnan practico y disponibilidad.

Pa loke ta criterio pa asfalta un carretera completamente, DOW a indica cu varios factor ta ser considera. Entre nan ta e tipo di carretera, e condicion actual di e wegdek (superficie di carretera), e frecuencia di reparacionnan anterior, e edad di e asfalt, y tambe e reparticion geografico.

Mientras DOW ta mantene cu tin criterio cla pa determina prioridad, hopi ciudadano ta sigui insisti cu tin careteranan den estado critico cu mester atencion urgente. Nan ta enfatisa cu mas aleu di planificacion y criterio tec-

nico, tin un necesidad inmediato pa atende situacionnan cu por representa peligro pa conductor y peatonnan. Pa nan, e cuestion principal ta no solamente con ta scoge

cual carretera pa drecha, sino cu e ritmo di e reparacionnan mester accelera pa preveni mas daño, accidente y frustracion den comunidad.



S&P Global Ratings ta upgrade Aruba su credit rating di BBB+ pa A- *Citando recuperacion economico y mehoracion di perspectiva fiscal*

Aruba a ricibi un impulso significativo den su posicion financiero internacional despues di un decision di S&P Global Ratings pa upgrade e rating di credito soberano di e pais di BBB+ pa A-, reflehando e confiansa creciente den e isla su recuperacion economico y su trayectoria fiscal.

E upgrade ta marca un logro importante pa Aruba ya cu e ta sigui recupera di e shock economico causa pa e pandemia di COVID-19. Di acuerdo cu S&P Global Ratings, e mehoracion di e rating ta ser impulsa principalmente pa e recuperacion fuerte di turismo di e isla, un rendimiento economico miho cu a spera, y un fortalecimiento gradual di finanzas publico.

E rating di credito emiti pa instancianan manera S&P Global Ratings ta sirbi como indicadornan clave di e habilidad di un pais pa cumpli cu su obligacionnan financiero. Nan ta influencia confiansa di inversionista y gastonan di prestamo, haciendo upgrade particularmente relevante pa economianan chikito y habri manera Aruba cu ta depende di financiamiento externo.

Den e nucleo di e analisis ta e recuperacion economico rapido y sosteni di Aruba, alimenta pa e resurgimiento di turismo, cu ta keda e weso di lomba di e economia di e isla. S&P ta señala cu e yegada di bishitante a recupera fuertemente, den algun caso superando e nivelnan pre-pandemia, resultando den aumento di entrada y actividad economico mas amplio.

E recuperacion aki a traduci su mes den mehoracionnan real den finanzas di gobierno. Despues di a conoce deficitnan fiscal grandi durante e pandemia, Aruba a bay den direccion di consolidacion fiscal, cu expectativa di logra surplusnan presupuestario chikito den e proximo añanan. E cambio aki tabata un factor clave cu ta sostene e mehoracion di rating.

S&P Global Ratings ta subraya cu e producto interno bruto di Aruba ya a supera e nivelnan pre-pandemia, señalando un recuperacion robusto compara cu hopi otro economia di Caribe. E instancia ta atribui e rendimiento aki na e atraktividad continuo di e isla como un destinacion turistico, particularmente pa biaheronan for di Merca.

Un otro factor importante cu ta sostene e mehoracion ta e compromiso di gobierno cu disciplina y reforma fiscal. Aruba a tuma pasonan pa fortifica su base di entrada y maneha gastonan mas efectivamente, contribuyendo na mehoracion di resultadonan di presupuesto y un trayecto fiscal



mas sostenibel.

Tambe e rapport ta pone enfasis riba e rol di e cuadro institucional di Aruba y su relacion cu Reino Hulandes. Estabilidad politico, continuidad di politica, y cooperacion continuo cu autoridadnan Hulandes ta ser mira como forsa clave cu ta sostene e perfil di credito di e pais.

Durante e pandemia, Aruba a haya sosten financiero substancial di Hulanda den forma di prestamo, cu a yuda stabilisa economia den un momento critico. Mientras cu e fian-sanan aki awor ta ser refinancia bao di condicionnan menos faborabel, nan naturalesa concesional inicial a provee espacio di hala rosea esencial pa finanzas publico.


S&P ta remarca cu colaboracion continuo entre Aruba y Hulanda, particularmente den cuadro di reformanan structural acorda, lo keda crucial. E reformanan aki ta dirigi na mehora gobernacion, mehora resiliencia economico, y garantisa sostenibilidad fiscal a largo plaso.

A pesar di e upgrade, e instancia ta subraya cu Aruba ainda ta confronta retonan structural. Principal entre esakinan ta e dependencia pisa di e isla riba turismo, cu ta laga e economia vulnerabel pa shocknan externo manera bahadanan mundial of interrupcionnan den demanda di biahe.

E crisis di COVID-19 a expone e vulnerabilidad aki, como cu e collapse den turismo a conduci na un contraccion fuerte den actividad economico y un aumento significativo den debe publico. Mientras cu e condicionnan actual ta faborabel, S&P ta adverti cu diversificacion economico limita ta keda un restriccio riba crecimiento a largo plaso.

E cuadro monetario di Aruba tambe ta subraya como un factor limitante. E tasa di cambio fiho di e pais pa e dolar Mericano ta provee estabilidad pero ta reduci flexibilidad den responde na shocknan economico, poniendo mas confiansa riba ahuste di politica fiscal.

Riba e frente fiscal, sinembargo,



e perspectiva ta mehora. S&P ta proyecta cu debe di gobierno lo baha gradualmente como un parti di GDP, sostene pa crecimiento economico y balansa fiscal mehora. E trayectoria abao aki den nivelnan di debe ta un otro elemento clave cu ta sostene e rating mehora.

Tambe e instancia ta muestra riba e fondo di pensioen di sector publico di Aruba como un factor estabilisante. Cu activonan significante inverti den exterior, e fondo ta provee un buffer financiero cu ta yuda compensa e obligacionnan di gobierno y ta fortalece e balansa general.

Mientras cu e mehoracion di BBB+ pa A- a aumenta confiansa, S&P Global Ratings ta mantene un posicion cauteloso, señalando cu movimiento di rating den futuro lo depende di e habilidad di e pais pa sostene su progreso actual. Crecimiento economico continuo, adhesion na metanan fiscal, y implementacion exitoso di reformanan lo ta esencial pa mantene of mehora e rating mas aleu.

Na mesun momento, riesgonan di bahada ta keda. Un bahada den turismo, rendimiento economico mas debil, of contratempo den consolidacion fiscal por pone presion riba finanzas publico y potencialmente afecta e rating den futuro. Di mesun manera, cualkier deterioro den cooperacion cu Hulanda por mina esfuersonan di reforma y confiansa di inversionistanan.

E significacion mas amplio di e upgrade ta sinta den su impacto potencial riba e condicionnan di financiamiento di Aruba. Un rating di credito mas halto tipicamente ta traduci den gastonan di fianza mas abao, loke ta permiti e gobierno pa haya acceso na mercadonan di capital internacional riba condicionnan mas faborabel. Esaki, na su turno, por crea espacio fiscal adicional pa inversion publico y programanan social.

Pa negoshi y inversionistanan, e upgrade ta sirbi como un señal positivo di Aruba su estabilidad economico y perspectivanan di crecimiento. E por encurasha aumento di inversion y

reforsa confiansa den e isla como un partner economico confiabel den e region.

S&P ta señala tambe cu ta premira cu e crecimiento economico di Aruba lo sigui, aunke na un ritmo mas modera compara cu e rebate rapido mira inmediatamente despues di e pandemia. Segun cu inversionnan grandi relaciona cu turismo ta keda completa, crecimiento lo depende mas y mas di demanda sosteni y e habilidad di e isla pa keda competitivo como destinacion.

Esfuersonan pa fortalece e sistema di impuesto y amplia fuentenan di entrada tambe ta ser spera di hunga un rol den sostene sostenibilidad fiscal. Medidanan manera ahustenan na belasting indirecto ta parti di e strategia di gobierno pa mehora cobramiento di entrada, aunke reformanan mas amplio, incluyendo e introduccion di un belasting riba balor agrega, a keda posponi.

Den su evaluacion, S&P Global Ratings ta presenta e mehoracion como un refleho di tanto logronan recien como expectativanan pa futuro. Aruba su recuperacion fuerte, mehoracion di rendimiento fiscal, y ambiente institucional stabiel a crea un fundeshi solido, pero pa mantene e trayectoria aki lo rekeri disciplina di politica continuo y reforma structural.

Pa Aruba e cambio di BBB+ pa A- ta representa mas cu un ahustacion tecnico. E ta señala confiansa renoba di mercadonan internacional y ta enfatisa e progreso haci den nabega un di e periodonan economico mas dificil den historia recien.

Segun e isla ta wak pa dilanti, e enfoke lo keda riba consolida ganashi, atende vulnerabilidadnan structural, y garantisa cu crecimiento economico ta traduci den resiliencia a largo plaso. E rating actualisa ta provee un punto di salida positivo, pero e caminda pa dilanti lo depende di esfuersonan sosteni pa fortalece economia y finanzas publico den un ambiente global cu ta birando mas y mas insigur.

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Francis Dirksz

Colaboracion

Agence France Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Con pa reparti abundancia di AI?


Tin hopi preocupacion
bao pueblo tocante costo
di bida, y problemanan
den futuro cercano door di
eventonan geopolitico re-
cientemente. Pero riba un
radar mas strategico, nos
no mester lubida e factor-
nan di AI & Robotica. Esa-
ki lo por transforma socie-
dad y trece abundancia in-
menso. Pero e reparticion
den forma socialmente
husto di e abundancia tec-
nologico aki, ta un aspecto
cardinal, strategico pa full
mundo, incluso Aruba.

E siman aki, OpenAI — e
empresa tras di ChatGPT cu
actualmente tin un balor di
mas di 800 mil miyon dol-
lar — a lansa un documento
importante di 13 pagina titula
“Industrial Policy for the In-
telligence Age: Ideas to Keep
People First.” E documento
aki no ta propone con pa crea
mas AI. E ta propone con
gobiernonan mester prepara
nan comunidad pa e cambi-
onan radical cu AI lo trece
den e añanan cu ta bin.

Fondo publico di rikesa: tur ciudadano ta gana di AI

E propuesta mas ambicioso
den e documento ta e crea-
cion di un Fondo Publico di
Rikesa (Public Wealth Fund).
E idea ta senciu: si compa-
nianan di AI ta haya miyon
di miyon di ganashi, e placa
aki no mester keda solamente
den man di accionistanan
rico. Na lugar di esey, e fondo
lo inverti den companianan
di AI y industrianan cu ta
adopta e tecnologia, y despu-
es distribui e ganashi directa-
mente na tur ciudadano lo-
cal — manera un dividendo
anual.

E modelo ta basa riba e Alaska
Permanent Fund, caminda



residentenan di Alaska ta
ricibi cheque cada aña for di
ganashi di petroleo. Un idea
cu varios bes mi persona a
skirbi over di dje den medio
di comunicacion Bon Dia. Pa
mi persona, e ta sumamente
interesante cu un compania
di status manera OpenAI ta
publicamente steun un idea
asina, manera mi mes a pro-
pone den pasado.

Tax riba robot: compa- nianan mester paga nan parti husto

Si un compania substitui
100 trahador cu AI, kico lo
pasa cu e belasting cu e tra-
hadornan aki tabata paga?
Tur e contribucionnan pa por
ehempel SVb, AZV, y entrada
di Gobierno lo desaparece.
OpenAI ta admiti e problema
aki y ta propone un solucion:
un tax riba trabao automa-
tisa — loke academiconan y
lidernan industrial ta yama
un “robot tax.”

E idea (cu Bill Gates tambe
a sugeri na 2017) ta cu compa-
nianan cu ta usa AI pa re-

emplasa trahadornan mas-
ter paga un contribucion na
sistema, similar na loke e
trahador humano tabata paga.
Ademas, OpenAI ta propone
cu gobiernonan mester cum-
insa “shift” nan base di belas-
ting: menos dependencia riba
placa di salario, mas riba ga-
nashi di capital y entrada cor-
porativo. Esey lo sigura cu tur
e programanan social cu nos
ta depende riba dje tin sosten
financiero den un economia
automatiza.

Loke tur esaki ta nifica pa Aruba


Aruba ta un economia chiki-
to, fuertemente dependiente
riba turismo y importacion. E
cambionan cu OpenAI ta bisa
ta cu lo bin den futuro cer-
cano, tambe manera mi per-
sona a indica varios bes, esta
automatizacion di servicio, AI
den hotel y comercio, AI den
administracion, lo tin impac-
to riba nos na Aruba tambe. E
preguntanan cu Aruba mes-
ter cuminsa haci ta:

Con nos ta sigura cu ganashi
di AI den sector turistico ta
beneficia trahadornan local y
no solamente companianan
multinacional?

Tin luga pa un modelo local
di “fondo di rikesa” — of par-
ticipacion di gobierno — den
beneficianan di automatisa-
cion?

Ki tipo di re-entrenamiento
(reskilling) nos trahadornan
mester pa mantene nan posi-
cion relevante den e econo-
mia di AI?

E propuestanan di OpenAI ta
diseña pa Merca, pero e prin-
cipio ta universal. Si e hende-
nan cu ta crea AI ta mira e ur-
gencia di actua aworaki, nos
gobierno y nos sindicatonan
tambe mester cuminsa e
combersacion aki seriamente.



10P1 BUSINESS COACHING

CU SIMON WASLANDER BSc. MSc.

“Innovation, AI & Algemene Consultancy pa Business”

Phone Number
+297-744-886

simonwaslander@gmail.com

Gobierno ta firma convenio cu EOZ Bonaire pa fortalece cuido di estudiante *Y baha tempo di espera na MDC Aruba*

Gobierno di Aruba, representa pa Minister di Educacion, Sra. mr. Gerlien Croes (Futuro), a firma un convenio di colaboracion cu Expertisecenter Onderwijs en Zorg (EOZ) di Boneiro. E convenio aki ta forma parti di un strategia nacional pa fortalece sistema di cuido pa mucha y hoben na Aruba.

E colaboracion ta enfoca riba mehoracion di calidad di diagnostico, intercambio di conocimiento profesional y reduccion di tempo di espera pa muchanan cu tin necesidad di sosten educativo y psicologico.

Meta principal di e colaboracion aki ta pa brinda sosten mas rapido na muchanan cu



tin necesidad di yudansa na e momento cu e mas mester dje, segun un comunicado di gobierno.

Segun e comunicado, durante e ultimo aña, e ministerio a inverti structuralmente den

fortalece e forma fundamental di e sistema di cuido di nos muchanan riba diferente nivel:

Expansion di ekipo di MDC cu un psicologo y logopedista;

Refuerso di inspeccion di

enseñansa cu un inspector extra;

Mas capacidad den Departamento di Enseñansa Aruba; Mas trahado social escolar (SMW'er) pa sostene muchanan directamente na scol;

Reduccion di cantidad di alumnonan pa klas (maximo 24) pa logra mas atencion individual;

E convenio cu EOZ ta agrega un dimension entre Aruba y nos hermana isla Boneiro, unda ta comparti conocimiento y experiencia pa sigui profesionalisa e sistema di Aruba.

Segun e convenio, e colaboracion lo enfoca riba:

Baha y maneha tempo di espera;

Fortalece uso di Papiamento den diagnostico;

Desaroyo di metodonan pa discalculia;

Fortalece rol di psicologo di salubridad mental den sistema educativo.

Segun minister Gerlien Croes; “Nos ta traha sistematicamente pa crea un sistema unda ningun mucha no tin cu warda demasiado pa yudansa. E colaboracion aki ta un paso concreto den nos strategia pa pone e bienestar di nos muchanan na prome lugá.”

E convenio tin un duracion inicial di dos aña y lo ser evaluá pa determina e siguiente fase di colaboracion.

Parlamentario Drs. Shailiny Tromp-Lee (MEP) ta exige transparencia y accion inmediato pa introduccion di Salario Minimo pa Hoben

Despues di tres luna di retraso riba e fecha priminti y un falta preocupante di informacion di parti di Gobierno, Parlamentario Shailiny Tromp-Lee a manda un serie di 15 pregunta critico na Minister di Labor, Sr. Wendrick Cilia. Tromp-Lee pa cuestiona e falta di transparencia y e falta di cumplimiento cu e mandato di Parlamento pa introduci e salario minimo pa hoben entrante 1 di januari 2026, un instrumento vital pa brinda proteccion na nos hubennan.

Un promesa kibra

E proceso aki tin su base den un mocion cu a keda aproba unanimamente pa Parlamento dia 1 di september 2025. Den sala di Parlamento e dia ey, Minister Cilia a duna su palabra formal cu e lo a percura pa e introduccion di un salario minimo pa hoben entrante 1 di januari 2026. Pa e motibo ey, Parlamentario Tromp-Lee a actua di buena fe y a opta pa retira (trek in) un amienda cu e mes a presenta pa percura pa e proteccion aki.

“Awe, nos ta tres luna laat y e hubentud trahado di Aruba ta keda sin e proteccion legal cu nan merece. E silencio di e Minister ta un kiebri di e confianza cu el a pidi Parlamento,” Tromp-Lee a sub-



raya.

“Mi a actua di buena fe y a retira mi amienda basa riba e promesa di e Minister. Awe, tres luna despues di e fecha palabra, nos ta observa un silencio preocupante y un falta di accion total,” Tromp-Lee a expresa. Segun Tromp-Lee e la brinda 3 luna adicional di espacio na Minister y te ainda nada, ni update ni cumplimiento.

Falta di transparencia

Segun e Parlamentario, e proceso ta wordo maneha sin duna transparencia of nos por conclui cu nada no ta tumando lugar. Entre september y december 2025, Tromp-Lee a

manda carta pa pidi informacion di progreso pero e Minister a scoge pa ignora esaki cual a conduci cu Tromp-Lee mester a manda un recordatorio pidiendo un biaha mas informacion riba e progreso. Tabata unicamente durante e debate di presupuesto na december ultimo, cu e Minister a admiti cu e proceso a stagna debi na un consejo di SER, cual el a entrega solamente despues di un peticion oficial di e Parlamentario.

“Ta inaceptabel cu Parlamento mester ‘ranca’ informacion for di e Minister riba un topico asina importante. Su deber constitucional ta pa informa Parlamento pro-activamente, algo cu no a sosode den e

dossier aki,” e Parlamentario a subraya.

Decision ehecutivo: No tin excusa pa retraso

Tromp-Lee ta aclaria cu e introduccion di e salario minimo pa hoben no mester di un ley nobo, sino unicamente un Landsbesluit, houdende algemene maatregelen (LBham). Esaki ta nifica cu e implementacion ta depende puramente di e firma y e voluntad politico di e Minister.

Ademas, e Parlamentario ta recorda cu e propio departamento di e Minister, Directie Arbeid & Onderzoek (DAO), a conclui den nan nota di september 2025 cu e intro-

duccion ta necesario pa proteha nos hobennan y cumpli cu normanan internacional. Actualmente, Aruba ta keda como e unico pais den henter Reino Hulandes cu te ainda no tin e proteccion legal aki pa su hobennan di 15 pa 17 aña. Algo cu Aruba completo a kere lo bira un realidad y asta a “celebra” e decision dia 1 di September 2025 ora Parlamento a aproba cambio di ley pa introduci un salario minimo pa ora entrante 1 di januari 2026 y a keda palabra cu riba e mesun fecha lo introduci un salario minimo pa hoben.

15 Pregunta Critico

Den su carta oficial, Tromp-Lee a formula 15 pregunta critico, caminda e ta pidi splicacion riba e silencio di e Minister, y kico ta e “deadline” final pa e Landsbesluit aki dreठा na vigor. Alabes e ta puntra dicon e argumentonan di SER a wordo uza pa “freeze” e proceso en bes di implementa un maneho paralelo of bin atende esakinan cu Parlamento.

“E tempo di sconde tras di rapport/consehonan y ignora e mandato di Parlamento a pasa. Nos hubentud no por keda warda mas riba un firma cu mester tawata t’ey caba. Mi ta wardando e contesta di e Minister den un plaso hopi corto,” Tromp-Lee a conclui.

Guera den Medio Oriente ta menasa suministro di medicina humanitario pa Africa

(AFP)—E conflicto den Medio Oriente ta empeora tensionnan riba suministro humanitario di medicamentonan den Africa, un sector cu caba ta afecta seriamente pa recorten di financiamiento, unda organisacionnan NGO ta adverti cu rekinan ta keda bashi.

Costo di combustible subiendo y dificultad logistico pa transporte door di Estrecho di Hormuz ta afecta entrega di medicamento pa zonanan di crisis y conflicto na Africa, unda e situacion caba ta critico despues di recorten di ayuda di Merca.

“Pa fin di april, algun di nos deposito di medicamentonan lo keda agota,” Rodrigue Alitanou, director di operacion pa NGO medico Alima, a bisa AFP for di su oficina na Dakar.

Alima, cu ta traha den 13 pais den Africa, ta bati alarma.

“Si esaki sigui pa un luna y mey, dos luna, e advertencianan cu nos ta duna lo bira impacto directo riba continuidad di nos actividadnan,” el a bisa.

Africa ta importa mas cu 70 por ciento di medicamentonan y mas cu 90 por ciento di ingredientenan farmaceutico.

Alitanou ta preocupa riba costo di importacion pa motibo di prijs di combustible cu ta aumentando.

“Un costo adicional di \$2.000 ta nifica cu 200 mucha cu ta sufrir di desnutricion lo no ricibi tratamento,” el a bisa.

“Nos ta mira esey caba na Sudan, nos ta mira esey caba na Congo y e ta cuminsa bira evidente den mayoria pais,” el a agrega.

Centro di Medio Oriente

Situa entre Asia, e productor principal di medicamentonan di mundo, y Africa, Medio Oriente ta sirbi como e entrada principal pa suministro na continente Africano.

Varios centro di suministro humanitario den zona liber humanitario di Dubai a mira nan operacionnan interumpi, afectando transporte logistico pa Africa.



Na Dubai, centro logistico di Organizacion Mundial di Salud (WHO), cual ta suministra medicamentonan pa mas cu 150 pais mundialmente, mester a cancela envio na comienso di e conflicto pa motibo di ciere di espacio aereo y adapta rutan pa entrega di suministro.

“Tempo di entrega ta bira mas largo pasobra nos no por pasa door di Estrecho di Hormuz y mester bay via Cabo di Buena Esperanza, specialmente cu barconan di carga, pues ta mas caro y ta agrega 15 dia te un luna na e cadena di suministro,” Damien Dubois, oficial di compra y inventario na MSF Supply, un centro di suministro dentro di Doctors Without Borders (MSF), a bisa.

Un vocero di Global Fund pa lucha contra AIDS, Tuberculosis y Malaria a bisa AFP cu nan a observa “retraso y aumento di costo” aunke e organizacion ainda no a identifica ningun escasez.

Anne Senequier, co-director di Global Health Observatory na Institute for International and Strategic Relations (IRIS), a bisa cu “pa awor nos ta papia di escasez di medicamentonan pa motibo di e conflicto, nos ta papia di presion adicional riba un situacion cu caba ta fragil, unda riesgo di escasez ta surgi den algun regionnan vulnerable”.

Esnan entrevista pa AFP ta keda cauteloso riba e acuerdo pa stop combate logra diamars entre Merca y Iran, unda atakenan ainda a sigui diaranson den Golfo y trafico maritimo den Estrecho di Hormuz ainda a keda interumpi.

Pa Alitanou “e acuerdo pa

dor di envio na MSF Supply, a bisa cu e ta kere “lo keda hopi instabil, specialmente pasobra nos no sa kico lo pasa” despues di e tregua di dos siman.

Di su parti, Christian Lindmeier, un vocero di WHO, a bisa cu “lo tuma varios siman pa supera e interupcion causa pa ciere di Estrecho di Hormuz”.

Africa, cu ta depende hopi riba importacion, ta particularmente vulnerable pa cambio geopolitico, Ines Alaoui, hefe di politica di salud internacional na Coalition Plus basa na Francia, a bisa.

“Riba continente Africano nos ta opera riba un base di

‘net na tempo’. Nos no ta produci of almacena mas cu ta necesario,” el a bisa.

Organisacionnan dentro di Coalition Plus caba tabata cargando peso di recorten di ayuda di Merca, cu escasez di medicamentonan preventivo y antiretroviral observa riba tereno.

E crisis nobo ta “sigui debilita sistema di salud”, Alaoui a bisa, agregando cu “nos ta teme cu personanan cu ta biba cu HIV lo mester stop nan tratamiento”.

Pa Senequier di IRIS, “e riesgo ta cu algun grupo vulnerable lo bay usa medicamentonan falso, cual lo pone nan salud den peligro”.

www.lottoaruba.com

Pa mas informacion yama 525-7555 of bishita nos website lottoaruba.com

Autoridad di Gaming di Corsou ta reforsa regla pa operadornan licencia

(Curacaochronicle) - E Corsou Gaming Authority (CGA) a introduci un rekisito mas stricto pa e terminonan y condicionnan (T&C) di operadornan di wega online cu tin licencia, ampliando obligacionnan riba transparencia, proteccion di hungado y transaccionnan financiero.

E politica actualisa, anuncia riba 8 di april 2026, ta exige operadornan pa revisa nan T&C pa inclui provisionnan detaya tocante ceramento di cuenta, cuenta inactivo, pago di ganashi, reembolso, y maneho di transaccionnan cu criptomonedas. Operadornan tin te 8 di october 2026 pa cumpli cu e regla nobo.

Bao di e marco actualisa, operadornan mester splica claramente con hungado por cera nan cuenta, incluyendo e pasonan, tempo di procesamiento y procedemento di confirmacion. Rekisitonan adicional ta aplica pa cuenta inactivo, unda operadornan awor mester defini criteriannan di inactividad, posible

consecuencianan manera suspension of ceramento, y con e hungado lo ser informa. E CGA tambe ta exige operadornan pa haci esfuersonan rasonabel pa contacta hungadonan prome cu tuma accion riba cuentanan inactivo. Cualquier tarifa relaciona cu un cuenta inactivo mester ta transparente y proporcional.

Un enfoke clave di e politica ta transparencia financiero. Operadornan mester duna un bista completo di metodonan di deposito y retiro, incluyendo tempo spera di procesamiento. Reglanan di retiro mester tambe specifica rekisito di verificacion di identidad, particularmente ora transaccion supera €2.000.

E regla nobo ta pone enfasis adicional riba transaccionnan cu criptomonedas. Operadornan mester aclara con nan ta maneha situacionnan manera eliminacion di token, division di blockchain (fork), y direccion di cartera restringi. Reembolsonan en general mester ser procesa via e mesun metodo usa pa deposito,



al menos si esaki no ta posibel, den cual caso un proceso alternativo claramente defini mester ser aplica.

E politica tambe ta introduci un guia mas stricto pa maneho di erornan di wega di placa, problema di software y cancelacion di evento. Operadornan mester defini con e situacionnan aki ta ser identifica y resolvi, incluyendo procedementonan di reembolso.

Ademas, CGA ta reforsa regla riba bonus y pago di ganashi. Condicionnan relaciona cu bonus mester ta cla y accesibel, y solamente hungado cu a acepta e condicionnan por participa. Operadornan tambe mester indica den cual circunstancianan ganashi por ser retene of pago por ser nega.

E rekisito actualisa ta extendi tambe na uso di moneda, obligando operadornan pa splica con wega di placa y pago

ta ser maneha den diferente moneda, incluyendo criptomonedas. Cualquier fondo cu no por ser retira, manera balansnan di bonus, mester ser indica claramente.

Falta di cumpli cu e politica nobo lo ser considera como un violacion di condicionnan di licencia y por resulta den sancionnan, incluyendo suspension of retiro di licencia.

E cambionan ta parti di reformatonan mas amplio bao di e Ley Nacional riba Wega di Asar (LOK), cu a drenta na vigor na december 2024. E regla actualisa tin como meta fortalece supervision di e sector di wega y aumenta confianza den industria di gaming online di Corsou.

Pa operadornan, e politica nobo ta rekeri un revision completo y restructuracion di nan terminonan publico y procesonan interno. Pa hungado, segun e CGA, e cambionan lo resulta den reglamentonan mas cla, miho proteccion y mas transparencia den henter e mercado.

Retonan di Corsou ta bon conoci, pero ehecucion ta keda e punto debil

(Curacaochronicle) - E reto principal di desaroyo di Corsou no ta mas identifica su problemanan, sino converti politica den accion eficaz. Esaki tabata e conclusion central cu a sali for di un mesa redondo di nivel halto organisa pa e Consejo Social y Economico di Corsou (SER) riba 2 di april, cu participacion di representantenan di e Nacionnan Uni y otro actornan.

E reunion tabatin como meta pone na prueba y refina e evaluacion di e Nacionnan Uni tocante Corsou, cu ta sirbi como preparacion pa e siguiente marco di cooperacion pa e periodo 2027-2031. E discusionnan a laga cla cu, aunke e retonan principal di e isla ta ampliamente conoci, e implementacion ta sigui keda atras.

En bes di enfoca riba identifica riesgonan, e mesa redondo a cambia pa un pregunta mas fundamental: pakico progreso hopi biaha ta sigui atrasa. Temanan central tabata inclui seguridad di ingreso, calidad di trabao, educacion y habilidadnan, enbehecemen-



to, salud, seguridad energetico, resiliencia climatico, y e capacidad di gobierno pa sostene politica den practica.

Segun SER, e situacion di Corsou ta pone na cla un buraco structural entre indicadornan economico y realidad social. Mientras desempleo a baha te 7,8 por ciento na 2024 y empleo a subi te alrededor di 72.000 persona, aproximadamente 30,4 por ciento di e hogarnan ainda ta biba bao di e liña di pobreza. Desempleo

hoben tambe ta keda halto na 16,3 por ciento.

E contraste aki — recuperacion economico hunto cu vulnerabilidad persistente — ta subraya cu e siguiente fase di desaroyo mester bay mas leu di solamente crecimiento. Mester tin mas enfoke riba calidad di trabao, estabilidad di ingreso, formalisacion y resiliencia.

Tendencianan demografico tambe a ser identifica como

un factor clave cu ta forma e futuro di e isla. Cu un poblacion di 156.115 habitante, di cual 33,8 por ciento tin 60 aña of mas, enbehecemento ta pone cada biaha mas presion riba sistemanan di salud, pensionnan, oferta laboral, casnan y finanzas publico. Participantenan a nota cu cambio demografico no ta mas un asunto separa, sino un forsa structural cu ta afecta casi tur area di politica.

Dentro di e contexto aki,

SER ta mira un rol cla pa e Nacionnan Uni — no den produci analisis adicional, sino den yuda Corsou pa priorisa mihor, coordina y ehecuta politica. Segun e conseho, e enfoke mester ta riba alinia dato, politica y implementacion pa sigura cu reformatonan ta traduci den mehoracionnan tangible den bida diario di hende.

E resultado di e mesa redondo no tabata un lista nobo di retonan, sino un definicion mas skerpi di prioridadnan. E discusionnan a apunta na un acercamento di desaroyo mas integra, unda proteccion social, politica di mercado laboral, resiliencia climatico, transicion energetico y capacidad institucional ta ser trata di forma coordina.

E hallazgonan colecta durante e reunion lo alimenta e desaroyo di e marco nobo di cooperacion di e Nacionnan Uni pa 2027-2031. Pa SER, e obhetivo ta cla: pa sigura cu cooperacion internacional ta yuda move Corsou mas leu di analisis y den direccion di implementacion eficaz y sostenibel.

Minister Hulandes Sjoerdsma ta pidi despesa despues di a reverti e recorte di financiamiento di UNRWA

(NLTimes) - Minister di Comercio Exterior y Cooperacion di Desaroyo Hulandes, Sjoerd Sjoerdsma, a pidi despesa na Tweede Kamer despues di a reverti un recorte di financiamiento pa e instancia di Nacionnan Uni UNRWA cu a ser acorda anteriormente, loke a trece acusacionnan di maniobra politico. Segun NOS, Sjoerdsma a reconoce responsabilidad pa e controversia, bisando cu el a atende e asunto di manera incorrecto y cu cosnan a bay robes di su banda.

E disputa ta centra riba un proceso di presupuesto di dos fase cu ta involvi UNRWA, e Agencia di Nacionnan Uni pa Alivio y Trabao, cu ta provee ayudo di emergencia den e teritorionan Palestino.

Dos siman prome, Sjoerdsma a sigura un mayoria parlamentario pa e presupuesto di su ministerio cu respaldo



di partidonan di oposicion incluyendo JA21. E sosten ey tabata mara na un reduccion den financiamiento di UNRWA di 19 miyon pa 11 miyon euro, un recorte cu a ser hiba for di e gabinete anterior pa motibo di preocupacionnan tocante supuesto lasonan entre UNRWA y Hamas.

Dianan despues di e votacion, Sjoerdsma a informa e leg-

isladornan cu ainda e tin intencion di transferi 8 miyon euro adicional pa UNRWA e aña aki, citando e acuerdo nobo di coalicion, cu ta indica un intencion pa restaura cooperacion cu e agencia bao di condicionnan.

E cambio a causa critica fuerte den Tweede Kamer, cu legisladornan acusando e minister di a mina confiansa despues di a sigura sosten pa

su presupuesto. Lider di JA21 Eerdmans a bisa cu e situacion a crea un sentido cu e partido a ser gaña y a adverti cu su partido lo no sostiene practicanan similar den futuro. E legislador di GroenLinks-PvdA, Kröger, tambe a critica e acercamento, bisando cu e ta muestra na cambio di posicionnan politico selectivamente.

Sjoerdsma a rechasa e acusa-

cionnan di mala fe, bisando cu e tabatin como meta transparencia pero a logra lo contrario y a tuma responsabilidad pa e resultado.

El a bisa cu a surgi confusion despues di e votacion di presupuesto tocante si gobierno lo implementa completamente e acuerdonan di coalicion y cu el a busca pa aclaria e situacion. El a describi un conflicto entre honra e acuerdo di coalicion y sigura aprobacion parlamentario pa su presupuesto.

Sjoerdsma tambe a muestra riba e situacion humanitario na Gaza, argumentando cu UNRWA ta keda esencial pa entrega ayudo di emergencia cu no por ser reemplaza actualmente.


JA21 a bisa cu e tin plania pa entrega un mocion di arrepentimiento. Mientras cu e no ta obligatorio, un mocion asina lo señala desaprobacion formal di Parlamento. No ta cla ainda si e lo haya mayoria.

Redactor di Omroep Gelderland ta retira pa motibo di caso di crimen sexual contra su yiu homber

(NLTimes) - Andrina Hadderingh a renuncia oficialmente como redactor principal di Omroep Gelderland, e director di e medio di comunicacion, Marco Paans, a anuncia ayera. Hadderingh ya a retira temporalmente na september aña pasa despues cu a bira conoci cu su yiu homber tabata sospecha di a viola sexualmente 11 mucha y a agredi tres otro sexualmente.

E yiu homber di Hadderingh a keda aresta na december 2024. E ta ser sospecha di a viola y abusa sexualmente di varios mucha mientras e tabata traha como stagiaire na un pool na Zelheim entre fin di augustus y comienso di december 2024. E victimanan tabatin entre e edadnan di 4 y 6 aña e tempo ey.

Di acuerdo cu De Gelderland, a keda acorda na momento di aresto di e sospechoso cu Hadderingh, kende tabata substancialmente responsabel pa tur e historianan periodistico di e medio, no lo participa profesionalmente den e caso



contra di su yiu. Pero esey a resulta imposibel na un audiencia preliminar contra di e sospechoso.

Durante e audiencia preliminar dia 15 di juli ultimo, GeenStijl a nota cu reporteronan di Omroep Gelderland y Hadderingh separadamente a acudi na e audiencia. E blog a investiga y a revela e conexion di Hadderingh cu e sospechoso dos siman despues.

Empleadonan di Omroep

Gelderland a bisa De Gelderland den un carta anonimo cu e noticia a bini como un sorpresa completo pa hopi di e coleganan di Hadderingh. Mas ainda pasobra dos otro trahador di Omroep Gelderland tambe ta involvi den e investigacion, como miembronan di famia di un di e victimanan.

Na september, nueve luna despues di aresto di su yiu homber, Hadderingh a retira temporalmente. Den prac-

tica, el a resulta mucho complica pa mantene e separacion desea y necesario entre trabao y bida priva, director Paans a bisa.

Awor, e hefe di redaccion ta haciendo un salida permanente, pa acuerdo mutuo, Paans a bisa. El a skirbi cu e periodo cu a pasa tabata "personalmente un reto" pa Hadderingh. Despues di 25 aña na e medio, e kier enfoca riba retonan nobo.

Un di dos audiencia preliminar contra e sospechoso di 21 aña a tuma luga diamars ultimo. Ademas di e acusacionnan di violacion y abuso sexual di mucha na e pool, e homber ta ser sospecha tambe di a comete actonan indecente cu un mucha muhe di 6 aña na Hengelo y posesion di imagennan di abuso sexual di mucha.

Durante e audiencia, e abogado di e sospechoso a argumenta cu e archivo no ta contene prueba cu su cliente en realidad a "penetra" e muchanan sexualmente, ANP a informa. E sospechoso no a asisti na e audiencia. E ta wardando su huicio den libertad, bao di condicionnan.

E fecha pa e huicio no ta fiha ainda, pero ta premira cu e lo dura varios dia. Ministerio Publico (OM) ta anticipa cu mester di por lo menos mitar dia pa e argumentonan di clausura. Y e mayornan di 13 victima ta desea di eherce nan derecho di papia. Nan abogado tambe lo kier splica nan demandanan pa compensacion.

Delcy Rodriguez a anuncia medidanan economico nobo y a priminti aumento di salario na Venezuela

(Infobae) - “Nos obhectivo inmediato, a medio y largo plazo ta recupera e entrada di trabaonan di forma sostenible y gradual a traves di crecimiento productivo tanto den e area di hidrocarburonan como mineria cu ta genera entrada inmediato”, el a declara den un mensahe na e pais.

E presidente encarga di Venezuela, Delcy Rodriguez, a anuncia diahuebs un serie di medidanan pa impulsa economia, cu revision di e modelo chavista, e promesa di un dialogo laboral, un aumento di salario y reformanan den impuesto y mercado inmobiliario. E presidente, ken a asumi poder despues di e captura di Nicolas Maduro conduci pa Merca, a pidi pa corigi “erornan di pasado” y preveni esakinan ripiti.

E salario minimo mensual na Venezuela a keda congela desde maart 2022, ora cu e tabata equivalente na 30 dollar, y actualmente e ta alrededor di 27 cen segun e tasa oficial di cambio, den un contexto di inflacion cronico y devaluacion. Rodriguez a confirma cu na maart un bono men-



sual pa trabaonan publico a subi for di \$160 pa \$190, paga den bolivares na tasa oficial y sin impacto riba beneficiarionan laboral, despues di un operacion di benta di combustible memey di e apertura petroliero y contactonan cu Washington.

E presidente tambe a informa tocante e instalacion di un

comision pa “dialogo laboral”, memey di protestanan di trahadonan cu ta exige aumento salarial. E anuncianan a tuma luga un dia prome cu un marcha convoca pa sindicatonan pa e sede Ehecutivo na Caracas, cu e meta di exige contesta riba nan exigencia. Na mesun momento, Rodriguez a ordena creacion di otro comision pa evaluacion

“strategico” di e activonan di e pais, cu participacion di Estado, sector priva y trahadonan, aunke el a aclara cu e proceso no lo inclui industria di hidrocarburo. Tampoco e no a detaya funcionnan ni plazonan di trabao di e organismo aki.

E presidente encarga a reitera cu, si “recuperacion di activonan” di Venezuela “blokia

den exterior” ser completa den marco di sancionnan internacional, e recursonan aki lo ser destina “inmediatamente pa garantiza e aumento di salario y rehabilitacion di infraestructura basico”, manera electricidad, awa, camindanan, scolnan y hospitalnan.

Rodriguez tambe a impulsa reformanan den e mercado inmobiliario y a firma e ley pa acelera tramite cu parlamento a aproba algun siman pasa. Ademá, el a anuncia e formacion di un consejo nacional economico pa diseña un modelo tributario nobo. “Mi ta spera cu for di e consejo nacional economico aki por sali un modelo tributario nobo di consenso entre tur sector economico di pais”, el a bisa.

Den e marco aki, el a pidi pa e skema tributario nobo ta mas eficiente y pa e promove uso di plataformanan tecnologico pa hiba Venezuela na un “nivel superior”, sin ofrece mas detaye. Varios asociacion empresarial a adverti riba e carga fiscal cu empresanan formal ta enfrenta, cu ta aloca casi 80% di nan ganashi na pago di impuesto.

Ex presidente di Honduras a afirma cu sistema hudicial di Merca a anula su condena pa trafico di droga

(Infobae) - E ex-presidente Hondureño Juan Orlando Hernandez a bisa cu un corte di apelacion na Merca a anula su sentencia di 45 año di prison pa trafico di droga imponi na 2024 y a gradici presidente Donald Trump, ken a absolv’e na november año pasa.

“E ta husticia total. Nos ta gradici presidente Trump, tur e amigonan cu mi sa ta miles y miles na Honduras y pafó di Honduras cu a sostene nos”, el a declara den un conferencia virtual for di un ciudad Mericano no identifica.

Hernandez, ken a goberna Honduras entre 2014 y 2022, tabata condena pa cargonan di a colabora cu e trafico di centenares di tonelada di droga pa Merca, den aliansa cu hefenan manera Joaquin ‘el Chapo’ Guzman. Despues di e decision hudicial, e ex-mandatario a bisa: “Awe sistema hudicial di Merca ta duna



mi rason”, y a pidi Trump pa duna visa na su famia pa nan por reuni.

Ora el a concede e absolucion, Trump a mantene cu Hernandez, conoci como “JOH” na Honduras, tabata victima di un “montahe” atribui na su predecesor, Joe Biden. E decision a genera cuestion den sectornan cu ta considera esa-

ki contradictorio cu e politica pa combati trafico di droga promovi pa Washington den Latino America.

Den su discurso, e ex-presidente a denuncia motivacionnan politico tras di su proceso hudicial. “Cuatro año pasa mi a ser saca di e pais pa motibonan di vengansa politico pa esnan cu a persigui

mi y cu tabata kier sconde nan mesun crimennan”, el a expresa.

E tambe a sigura cu e no tin antecedente penal despues di e anulacion di e sentencia. “No tin antecedente penal”, el a declara.

Hernandez a anuncia su intencion pa bolbe Honduras.

“Pronto lo mi bolbe cu mi cabes na laira, manera mi semper a haci, aunke nan tabata kier pa mi hinca rudia. Lo mi sigui proba mi inocencia”, el a declara. Ademá, el a pidi sistema hudicial Hondureño pa suspende cualkier orden di captura contra dje pa enfrenta procedementonan den su pais si ta necesario.

E ex-presidente a mantene durante años cu e tabata victima di “vengansa” di parti di narcotraficantenan extradita durante su gobierno, varios di cual a testifica contra dje den cortenan di New York. Durante e huicio, un testigo a bisa cu el a tende Hernandez afirma cu e lo introduci droga na Merca sin ser detecta, un acusacion cu e ex-presidente semper a rechasa.

E caso tambe a envolve su ruman, Juan Antonio “Tony” Hernandez, aresta na 2018 na Miami y condena na 2021 pa cadena perpetua pa trafico di droga na gran escala.

Oficina di Turismo di Jamaica nombra e hunta di turismo nacional faborito di agentenan di biahe na e Travel Gossip Awards 2026

(JamaicaObserver) - E Oficina di Turismo di Jamaica (JTB) a ser nombra e Oficina Nacional di Turismo Faborito di e Agentenan di Biahe na e Travel Gossip Awards 2026, un elogio vota pa e agentenan di biahe cu ta bende e destinacion dia aden, dia afo.

E reconocimiento ta refleha e inversion sosteni di JTB den comercio di biahe di Reino Uni (UK) y su compromiso pa ekipa agentenan cu e hermentnan, training y sosten cu nan mester pa bende Jamaica cu confiansa.

“Nos agentenan di biahe ta nos embahadornan di mas confiansa cu ta sigui bende Jamaica den un luz positivo hasta den tempo di incertidumbre y interrupcionnan. P’esey nos ta agradecido cu nan a reconoce JTB como nan hunta di escogencia di turismo. Esaki ta papia di nos partnership y confiansa continuo,” asina minister di Turismo, Edmund Bartlett a bisa.



E premio a ser anuncia na e ceremonia di Travel Celebration 2026 y ta sigui un aumento di entusiasmo di agente pa Jamaica despues di e recuperacion remarcabel di e isla desde e paso di horcan Melissa na fin di 2025, un recuperacion sosteni pa e comercio di biahe di Reino Uni.

Director di Turismo Donovan White a bisa: “E premio aki ta pertenece na cada

agente di biahe na Reino Uni cu a defende Jamaica y a recomenda nos isla na nan clientenan a traves di e momentonan halto y e retonan. E amor y confiansa cu e agentenan a muestra pa Jamaica, particularmente den e ultimo lunanan, tabata inspirativo.”

E team di JTB na Reino Uni tabata na vanguardia di e compromiso di agente durante e ultimo 12 luna. Actividad a

includi e Mercado di Biahe di Jamaica 2025, un muestra di destinacion cu a trece hunto agente y operadornan pa un experiencia inmersivo na Jamaica, banda di training continuo, programanan di biahe di famia y iniciativanan di mercadeo cooperativo.

E Travel Gossip Award ta agrega na un temporada historico di reconocimiento di industria pa JTB. Na comienso di e aña aki, Jamaica a ser corona como Miho Oficina di Turismo na e Travel Weekly Globe Travel Awards 2026, un di e ceremonianan mas prestigioso di e industria di biahe di Reino Uni, vota pa miles di lector di agente di biahe.

Director Regional pa Reino Uni y Noord Europa, Elizabeth Fox, a bisa: “Nos a compromete nos mes cu nos partnernan di agente di biahe den e ultimo 12 luna, personal dedica a expande e team, mas cara, mas sonrisa. Y e comercio a responde na e mesun

manera. Mirando agentenan ta bende Jamaica activamente a traves di tur reto ta e reconocimiento di mas grandi di tur.”

Hunto, e dos elogio comercial di Reino Uni ta reforsa e posicion di Jamaica como e destinacion principal den Caribe pa biaheronan Britanico y e reputacion di JTB como e partner di oficina turistico mas sostenibel y responsivo di e comercio. Cu 80% di e yegadanan pre-horcan restaura dentro di ocho siman di horcan Melissa y aproximadamente 80% di acogida di hotel awor operacional, Jamaica ta habri, prospera y ta ricibi bishitantenan.

JTB a bisa cu e lo sigui expande su infraestructura di sosten di agente, desaroya oportunidadnan nobo di training y profundisa e asociacionnan colaborativo cu a merece e reconocementonan consecutivo aki for di e comercio di Reino Uni.



BEKENDMAKING AAN ALLE LEVERANCIERS VAN LAND ARUBA van 7 april 2026

Inkooporder (Bestelbon, Purchase Order)

De Directie Financiën van het Land Aruba verzoekt vriendelijk doch dringend aan alle leveranciers om rekening te houden met de procedures voor het leveren van goederen en diensten alsook voor het uitvoeren van een werk. Op grond van de wet mag een daartoe gemachtigde functionaris van een bureau van een minister, dienst of directie alleen met een **inkooporder (bestelbon of “purchase order”)** van de Directie Financiën van het Land Aruba een bestelling plaatsen of een opdracht gunnen. In voorkomende gevallen wordt de inkooporder door de Staten van Aruba, de Raad van Advies, de Algemene Rekenkamer van Aruba of de Dienst Openbare Werken (DOW) uitgegeven door de daartoe gemachtigde. De bestelling of opdracht wordt gedaan door middel van het afgeven aan de leverancier van een inkooporder. Dit nadat aan de leverancier een offerte is gevraagd met het tegelijkertijd overhandigen van de Algemene voorwaarden van het Land. Doordat inkooporders verbonden zijn aan een begrotingsjaar, komen alle nog openstaande inkooporders uit het dienstjaar 2025 waarvoor geen levering van goederen en of diensten zijn ontvangen na 31 december 2026 te vervallen (voor investeringen komen deze te vervallen na 31 december 2027). Dit tenzij er een schriftelijke reactie van de bestellende dienst is doorgegeven aan de Directie Financiën over de reden van het uitblijven van de levering door de leverancier.

Betaalbaarstelling facturen

Na de levering van een goed, dienst of werk, wordt er gefactureerd. Vanwege digitale verwerking, moet op een factuur minimaal vermeld worden: factuurnummer, factuurbedrag, factuurdatum, persoonsnummer, inkoopordernummer, KvK-nummer, bankrekeningnummer en banknaam. Handmatig geschreven facturen worden dus **niet** in behandeling genomen. De facturen worden door de bestellende dienst goedgekeurd. Dit geschiedt aan de hand van het plaatsen op de facturen van een datum, handtekening en dienststempel. Vervolgens worden deze door het Land uitbetaald, rekening houdend met een **betaaltermijn van in principe 90 dagen na factuurdatum**. Uitzonderingen op deze betalingstermijn zijn slechts mogelijk met een aan de bestelling voorafgaande goedkeuring van de minister belast met financiën, dan wel, namens deze, van de Directeur Directie Financiën (of bij afwezigheid diens waarnemers). **Anderen zijn niet bevoegd tot het doen van toezeggingen over betalingstermijnen namens het Land!**

Verjaring facturen en stuiting verjaringstermijn

In verband met een wettelijk verkorte verjaringstermijn (artikel 33 Comptabiliteitsverordening 1989), moeten facturen binnen 20 maanden na begin van het dienstjaar waarin de levering heeft plaatsgevonden, ingeleverd zijn bij de Directie Financiën voor uitbetaling. Dit houdt in dat er **vóór 1 september van dit jaar, facturen van het afgelopen jaar** binnen moeten zijn bij de Directie Financiën om de verjaringstermijn te stuiten. Alle facturen (met de daarbij behorende inkooporders) die een factuurdatum hebben van het jaar 2025, moeten dus, **uiterlijk 31 augustus 2026** ingediend zijn bij de Directie Financiën. Voor de uitbetaling van deze oude facturen geldt nog steeds dat de bestellende dienst goedkeuring heeft gegeven voor de levering. Voor de overige voorwaarden wordt verwezen naar de bijgevoegde Algemene Voorwaarden voor levering van goederen en diensten aan het Land Aruba, die een onderdeel vormt van deze bekendmaking.

Voor meer informatie kunt u contact opnemen met de Directie Financiën via telefoon 522-3346, fax 582-4580 of via mail info@finance.gov.aw onder vermelding van: Bekendmaking leveranciers 7 april 2026.

Directeur Directie Financiën,

Drs. D.E. Werleman

ALGEMENE VOORWAARDEN VOOR LEVERING VAN GOEDEREN EN DIENSTEN AAN LAND ARUBA

1. De Algemene Voorwaarden betreffen handelingen tijdens het Land Aruba en de leveranciers met betrekking tot de levering van goederen en diensten na een daartoe verstrekte, respectievelijk verkregen opdracht.
2. Levering van goederen en diensten geschiedt aan de hand van een bestelbon (ook inkooporder of “purchase order” genoemd) die is afgegeven door de Directie Financiën of door de Staten van Aruba, de Raad van Advies, de Algemene Rekenkamer of de Dienst Openbare Werken.
3. Na levering van een goed of dienst, geeft de betrokken directie, dienst, het betrokken bureau c.q. Staten van Aruba, Algemene Rekenkamer Aruba, Raad van Advies, of Dienst Openbare Werken door middel van een stempel en handtekening op de factuur aan dat het goed of de dienst in orde is voor wat betreft aantal, prijs, kwaliteit van de geleverde goederen of diensten.
4. Het Land houdt in principe een termijn aan van 90 dagen voor de betaling van een geaccordeerde factuur, te rekenen vanaf factuurdatum.
5. Bepalingen in overeenkomsten inhoudende waarborgsommen, worden door het Land niet aanvaard.
6. Het Land maakt gebruik van haar bevoegdheid om te verrekenen conform de bepalingen van het Burgerlijk Wetboek van Aruba.
7. Na ingebrekestelling en door aanzegging van interest, is de in rekening te brengen interest voor de te late betaling (na 90 dagen) aan de leverancier gelijk aan de wettelijke rente.
8. De totale duur van een overeenkomst bedraagt maximaal 5 jaren (inclusief verlenging van de overeenkomst).
9. Bij inschakeling van onderaannemers, is de hoofdaannemer (natuurlijke persoon/rechtspersoon) alsmede de door deze gecontracteerde onderaannemer (natuurlijke persoon/rechtspersoon) gehouden loonbelasting, AOV/AWW/ZV- en de AZV-premies tijdig af te dragen. In geval van een rechtspersoon zijn de bestuurders/natuurlijke personen hoofdelijk aansprakelijk met hun gehele privé-vermogen indien deze met betaling in gebreke is en aannemelijk is dat de niet-betaling aan de bestuurders te wijten is als gevolg van kennelijk onbehoorlijk bestuur.
10. Het recht van Aruba is van toepassing op alle handelingen en overeenkomsten tussen leverancier en het Land Aruba. Geschillen tussen leverancier en het Land Aruba worden berecht door de naar het recht van Aruba bevoegde rechter.
11. Er geldt in principe een verjaringstermijn van twintig maanden na de aanvang van het dienstjaar waarin de geldschuld van het Land aan de leverancier op grond van de geleverde goederen en diensten invorderbaar is geworden, met inachtneming van de desbetreffende bepalingen van de Comptabiliteitsverordening 1989.
12. Indien het Land blijkt de administratie van de Ontvanger der Belastingen openstaande en reeds vervallen belastingvorderingen heeft op de leverancier, zal de Directie Financiën op verzoek van de Ontvanger der Belastingen de verschuldigde bedragen aan de leverancier tot het bedrag van de vordering ex artikel 10 van de Invorderingsverordening betalen aan de Ontvanger der Belastingen. Op grond van genoemd artikel is de Directie Financiën zelfs bevoegd dit uit eigen beweging naar de Ontvanger over te maken.

Gedeponeerd bij het Gerecht in Eerste Aanleg d.d. 20-4-2006

‘Reina di Ketamina’ sentencia na 15 aña den prison pa morto di Matthew Perry



(AFP) - E dealer Mericano-Britanico yama e “Reina di Ketamina” cu a bende e droga cu na su turno a causa e morto di Matthew Perry, y tabatin un clientela elite di VIP-nan di Hollywood, a haya un sentencia di 15 aña den prison diaranson.

Jasveen Sangha, di 42 aña, tabata un di 5 persona acusa pa e morto di e actor stima, ken a haya inconsciente den su



cas na Los Angeles den 2023.

Sangha, un ciudadano di ambos Merca y Britania, a opera un imperio di droga for di su apartamento na Los Angeles, for di unda e tabata provee narcotico na clientenan rico den Merca su capital di entretenimento. “Pa cultiva su negoshi, Sangha a promove su mes como un dealer exclusivo pa un clientela di Hollywood di alto perfil,” fiscalnan

a skirbi den documentonan di sentencia. “Manera el a bisa un cliente den 2020, ‘mi ta hopi selectivo cu hende,’ y ta “un circulo hopi VIP di celebridad.”

Sangha a traha cu Erik Flemming, ken a bende 51 paquete di ketamina na Perry su asistent personal, Kenneth Iwamasa. Iwamasa den varios ocasion a inyecta Perry cu e ketamina cu e tabata provee, incluyendo dia 28 di october den 2023, ora cu el a duna por lo menos 3 inyeccion di e droga cu Sangha a provee, cual a resulta den e actor su morto.

Ora cu Sangha a tende di e noticia di Perry su morto repentino, el a purba di sconde su actonan. “Delete tur nos mensahenan,” el a bisa Flem-



ing. Sangha su accionnan ta demostra “un falta di humanidad y consideracion pa bida. El a scoge entrada riba hende, y su actonan a causa un dolor inmenso den e famia di e victimanan y nan sernan keri,” fiscalnan a skirbi.

Investigadornan cu a drenta Sangha su cas despues di Perry su morto, a haya metanfetamina, ketamina, ecstasy, cocaina y pildonan falso di xanax, ademas di un mashin pa conta placa, un balans y dispositivonan pa detecta señal wireless y camaranan scondi.

Perry, di 54 aña, tabatin un lucha cu adiccion publico, pero aparentemente tabata logrando gana e lucha den bista di su coleganan ora cu el a fayece. Su morto a los olanan di luto entre generacionnan di fanaticonan di “Friends” y a causa un investigacion di polis cu a descubri un cadena di proveedornan, incluyendo dokternan medico cu tabata generando ganashi for di e dolor di un homber cu nan mester a ta yudando.

Dr. Salvador Plasencia, ken a admiti 4 cargo di distribucion di ketamina den e simannan prome cu Perry su morto, a ricibi orden di cumpli 30 luna den prison ora cu el a keda sentencia aña pasa.

Otro dokter, Mark Chavez, a ricibi orden di keda bao detencion na cas y a ricibi orden di haci centenares di ora na servicio pa comunidad.

Plasencia a cumpra ketamina for di Chavez pa bende na Perry cu prijsnan sumamente halto. “Mi ta curioso pa sa con hopi e kens aki lo paga,” Plasencia a skirbi den un mensahe.

Fiscalnan a bisa cu Perry tabata pagando mas di 2.000 dollar pa cada boter di ketamina; su dealernan tabata paga un fraccion di esaki. Iwamasa y Fleming lo ricibi

nan sentencia mas adelante e luna aki.

Sangha a admiti un cargo di mantene sitio involucra cu droga, 3 cargo di distribucion di ketamina y un cargo di distribucion di ketamina resultando den morto of daño fisico grave.

El a reconoce cu tambe el a bende 4 boter di ketamina na un otro homber, Cody McLauri di 33 aña, den 2019.

McLauri a fayece oranan despues pa un sobredosis.

Perry tabata consumiendo ketamina como parti di un terapia supervisada pa su depresion. Sin embargo fiscalnan ta bisa cu prome cu su morto, el a bira adicto na e substancia, cual ta usa como un medicamento pa anestesia, pero tambe tin propiedadnan psicodelico y ta un droga popular na fiestanan.

“Friends,” cual tabata conta e bida di 6 amigonan na New York ta nabega bida adulto, relacionnan amoroso y carenanan, a haya un base di fanatico masivo y a haci e actornan cu prome cu esey tabata desconoci, mega streanan.

Perry su rol tabata di e homber un poco kinderachtig y sarcastico Chandler, y e rol aki a genera un rikesa grandi pero tabata sconde un lucha scur cu adiccion na medicamentonan pa dolor y alcohol.

Den 2018, el a sufri problema cu su colon relaciona cu droga y a ricibi varios operacion. Den su memoir di 2022 “Friends, Lovers and the Big Terrible Thing,” Perry a describi pasa door di desentoxicacion decenas di biaha.

“Mi ta mas tanto sobrio desde 2011,” el a skirbi, “cu excepcion di alrededor di 60 pa 70 eror chikito.”

GOLDEN SOCIETY

DAILY | 5:30PM - 7:30PM

SPECIAL GOLDEN SOCIETY MENU

MARISELA & BAND
FRIDAYS | 7:30PM - 10PM

JOIA
BY IBEROSTAR

ZIMA
ROOFTOP BAR

A saca Natasha Lyonne for di vuelo algun ora despues di premiere di 'Euphoria'

(TMZ) - Natasha Lyonne su anochi no a termina manera e tabata spera - for di cana riba e mat cora na e premiere di "Euphoria"

na ser saca for di un vuelo oranan despues.


E actor aparentemente a subi un vuelo for di Los Angeles pa

New York City ainda bisti cu su look di e premier diamars anochi, sinembargo Page Six a bisa cu e tabata parce "fuera di tino" den First Class, sin responde na e asafatanan cu a pidi pa e cera su laptop y bisti e seatbelt pa por cuminsa cu e vuelo.

E publicacion ta reporta cu varios miembro di e tripulacion a purba di hala su atencion, cu un testigo bisando cu e tabata kedando drumi cu su bril bisti mientras nan tabata papia cune.

E situacion a escala rapidamente - e avion ya caba a cuminsa move, pero a bolbe e gate despues cu a kita e laptop for di su persona, unda un empleado di Delta a subi e vuelo pa wak e.

Natasha aparentemente



tabata confundi, a puntra unda e ta y despues a bisa e empleado keda keto prome cu el a bay baño, di cual el a sali comiendo un saco di pretzel y eventualmente a baha for di e avion. E vuelo a haya un atraso di mas di 1 ora, cu e piloto pidiendo despena pa un pasajero cu "no tabata cumpli cu instruccinnan basico."

Notablemente, Natasha no a logra presenta pa grabacion di

su episodio riba "The Drew Barrymore Show" e siguiente dia.

No ta cla kico exactamente a causa e situacion, aunke mester nota cu recientemente Natasha a conta tocante su lucha pa bira sobrio, despues di a sufrir un recaida den januari di e aña aki.

A acerca Natasha su banda pa comentario, pero no a ricibi contesta.

Diddy ta argumenta cu e 'freak-off's' tabata pornografia amateur proteha pa constitucion di Merca



(TMZ) - Sean Diddy Combs por ta un homber liber pronto, despues cu su abogadoan a presenta dilanti corte federal di apelacion pa argumenta cu su freak'off no tabata den violacion di ningun ley, y tabata pornografia cu ta proteha pa constitucion Mericano.

E hecho ta cu e ta un argumento solido. Diddy ta condena cu Mann Act - cual ta prohibi e transportacion di prostituta, crusando frontera, pa haci actonan sexual.

Diddy su abogadoan ta argumenta cu Mann Act no ta aplica, "Freak-Off's na hotelnan anochi ta shownan sexual altamente coreografia involucrando e uso di costume, 'roleplay' y luz cu tabata graba pa asina Combs y su parehaann por mira e pornografia amateur despues. Produccion di pornografia y mira e tipo di contenido aki ta bao proteccion di First Amendment y pa e motibo aki no por persigui esaki constitucionalmente.

Fiscalnan ta bisa cu e argumentonan aki no tin "merito," sinembargo e persecucion di Diddy no ta un Mann Act clasico.

Diddy su ekipo legal ta argu-

menta tambe cu e sentencia di 50 luna ta fuera di linea cu e guianan di sentencia - bisando cu e sentencia tipico ta di 15 luna. Diddy a cumpli 19 luna te cu awo.

Defensa ta bisa cu e hues a considera evidencia conecta na e cargonan mas serio - crimen organisa y trafico sexual - di cual a absolve Diddy. Den otro palabranan, cualkier evidencia di obligacion of forsa, segun e defensa, ta fuera di lugar pa e hues considera y esaki ta inclui e video di Cassie.

E argumentonan a conclui oficialmente di banda di Diddy den e apelacion, y huesnan awo lo cuminsa cu e proceso di tuma un decision. Durante e audiencia, Diddy su abogadoan a menciona Cassie Ventura su supuesto uso di droga, cual no a permiti nan presenta durante e huicio federal.

Tambe nan a menciona un "anochi na hotel" - otro termino pa e freak-offs cu Diddy tabata disfruta - cu "Jane," cual no tabata conecta na ningun menasa. E abogadoan a comparti nan speransa pa un decision rapido di parti di e huesnan, aunke no ta cla con hopi tempo nan lo tarda pa yega un decision.

Where dinner ends,
the night begins

GAIA

AFTER DARK

Late night cocktails | Exquisite bites
Saturdays, from 10PM to 1:30AM

Reservation through [Opentable.com](https://www.opentable.com)
GAIA House of Grill
JOIA Aruba by Iberostar
J.E. Irausquin Blvd 230

JOIA
BY IBEROSTAR

Awe abo por ta e siguiente miyonario di Aruba!

Diamars anochi e resultado di Mini Mega a ser conoci, unda cu e numbernan cu a sali tabata 01-10-17-25 y Mega Ball:07 y no tabata tin ganador pa e prome premio. Segundo premio a conoce un total di 2 ganado cu tabata tin e 4 numbernan bon, pero sin e Mega Ball. Ticketnan ganado a wordo bendi na Oficina di Lotto na Oranjestad y Lucky Budha Center. Cada un ganado a gana e suma di Afl. 9,557,-.

Si tin un ganado awe nochi, e lo bira e segundo miyonario pa aña 2026! E prome miyonario di 2026 tabata na februari cu a gana e suma di Afl. 1.750.000,- y e ticket ganado a wordo bendi na Lucky Cher-Ann 2.

Awe diabierna 10 di april 2026, Mini Mega su jackpot ta na 650 mil florin y cu 2 florin mas, bo por gana e jackpot di 350 mil florin extra cu ta pone e suma bira un total di 1 miyon florin!



Cumpra bo ticket trempa pa bo tambe den wega pa gana e gran total di 1 miyon florin awe nochi! Y si bo no logra pasa na un rebendado, tambe awor tin e opcion di cumpra bo Mini Mega cu Mega Plus riba Lotto Online usando Pay.aw.

Bo no tin bo cuenta di Lotto

Online ainda? Bay riba play.lottoaruba.com y registra pa asina bo por cumpra bo Lotto Online.

Con pa recarga bo cuenta di Lotto Online?

Bay na e menu, scohe "Pone Fondo na mi Cuenta" y scohe Pay.aw. Yena e num-

ber di telefon cu ta gelink na e cuenta di Pay.aw y tambe e suma cu bo ta desea di pasa riba bo cuenta di Lotto Online y primi "Manda". Asina cu primi "manda" lo ricibi un notificacion di e app di Pay.aw pa asina por aproba e request. Ta click riba e notificacion y click riba "Approve"

asina cu aproba e transaccion lo por mira e suma a bay riba e cuenta di Lotto Online.

Si no ricibi e notificacion, lo por sali for di e pagina di Lotto y habri e app di Pay.aw, lo por bay na e seccion di "Pay" y despues den e lista di "Pending" y lo por mira e request pa aproba esaki. Manera cu aproba e transaccion lo por mira e suma a bay riba e cuenta di Lotto Online.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganen di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Futuro di Verstappen den Red Bull den duda cu ingeniero uniendo na McLaren

(AFP) - 4 biaha campeon Max Verstappen su futuro den Formula One atrobe ta den ddua diahuebs despues cu a confirma cu su ingeniero di careda for di hopi tempo lo sali for di Red Bull pa uni na McLaren.

Despues di detayenan tocante Gianpiero Lambiase su cambio cu a surgi diahuebs, Red Bull y McLaren ambos a confirma e noticia den declaracionnan separa. Red Bull

a bisa cu Lambiase lo "sali den 2028, ora cu su contract actual caduca" cu McLaren confirmando cu e lo tuma e rol di hefe di careda cu nan ekipo ora e cuminsa "no mas laat cu 2028."

E ingeniero Britanico-Italiano, conoci como GP, a traha cu Verstappen desde cu e Hulandes a drenta e ekipo un decada atras. "E ekipo ta anticipa duna bon bini na Gianpiero Lambiase ora cu su contract existente caba, no

mas laat cu 2028," McLaren a bisa den un declaracion. "E rol di hefe di careda ya caba ta existi dentro di e ekipo su estructura y liderazgo general di e ekipo di careda. E responsabilidadnan aki actualmente ta maneha pa Andrea Stella ademas di su rol como hefe di e ekipo. Lambiase ta e contratacion mas reciente diseña pa fortalece y sostene e talento cu ta existi na McLaren Mastercard, mientras tambe ta reafirma e ekipo su compromiso na confirma su posicion como un ekipo cu ta gana campeonato."

Un declaracion di Red Bull a bisa: "Oracle Red Bull Racing ta confirma cu Gianpiero Lambiase lo sali for di e ekipo den 2028, ora cu su contract recien caduca. 'GP' ta un miembro balioso di e ekipo, na cual el a uni den 2015. Te cu su salida plania, 'GP' lo sigui cu su rolnan como Hefe di Careda y Ingeniero di Careda di Max Verstappen. E ekipo y su persona ta completamente comprometi na agrega mas exito na nos record fuerte hunto."

Lambiase su salida lo marca e salida di otro figura di alto nivel di Red Bull, cu Chris-



tian Horner kita for di su posicion como hefe di e ekipo aña pasa. Experto den diseño Adrian Newey y director di deporte Jonathan Wheatley ambos a laga nan posicion prome cu Horner su salida.

Tambe e ta trece dilanti mas pregunta tocante Verstappen, ken a gana e ultimo titulo mundial den 2024 y a duna pista durante luna pasa su careda na Hapon, bisando cu e ta cla pa retira for di Formula One.

Verstappen, ken su acuerdo actual cu Red Bull ta te cu 2028, ta den posicion number 9 di e campeonato, cu solamente 12 punto for di e 3 caredanan di apertura.

Na Hapon, e homber di 28 aña, un critico lider di e temporada su regulacionnan

nobo, a yama su vehiculo "uno cu no por maneha."

Papiando tocante su sentimentonan en general, el a bisa reporteronan: "Mi no sa e palabra corecto den Ingles p'e. Mi no sa cua e ta den Hulandes tampoco. Mi no sa kico pa bisa en realidad. Probablemente no tin palabra. Mi no ta disgusta y mi no ta frustra mas pa loke ta sucediendo. Tin hopi cos pa mi personalmente, pa saca afo."


Den un entrevista despues cu BBC, Verstappen a bisa: "Ora bo ta solamente pensa si e ta bal la pena? Of mi ta disfruta mas ta na cas cu mi famia? Wak mi amigonan mas ora cu bo no ta disfrutando di bo deporte?"



Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Revelacion di atletanan cu lo representa Aruba ta sigui

Malaky van Dinter ta cla pa representa talento den gimnasia di Aruba na Weganan Suramericano di Hubentud

Como e ultimo deporte cu destaca previo na e participacion di TEAMARU na e IV Weganan Suramericano di Hubentud Panama2026, ta yama bonbini na atleta di Federacion Gymnastico Arubano (FGA) Malaky van Dinter, cu lo participa den e deporte di Gimnasia den e disciplina di Artistico.

Malaky lo ser acompaña door di entrenador Jimmy Palma, unda lo participa den tur modalidad di Gimnasia Artistico. Esaki lo ta Makaly su prome participacion na un Weganan den un ciclo Olim-



pico, y cu apenas 13 aña di edad, ta ricibi un oportunidad unico pa competi na e nivel mas halto di nos region.

Malaky ta trando duro na e momentonan aki na un campo di entrenamiento na Bogota-Colombia, pa asina ta den



su miho forma pa e Weganan di Panama2026.

Comite Olimpico Arubano

(COA) ta desea Makaly y Jimmy hopi exito cu nan participacion na e Weganan Panama2026.

TEAM 99 a laga Bou Palo Boys "homeless"



Diasabra ultimo, 4 di april, locual mester a bira un sambombaso di bataya di domino, a "loop af met een sisser" manera nan ta bisa na Hulanda. Un caso clasico di "I told you so."

E trabuconan di Bou Palo Boys a challenge Team 99 lubidando cu Team 99 ta un ekipo fantasma; mas bien un lista di nombenan di "hitmen" cu ta wordo yama manera "the expandables" pa bin y "get the job done"! Ora wak contra ken nan mes-

ter enfrenta, Bou Palo Boys di "ay caramba, aki no ta bay keda sin palo"!

Nada menos cu Dr. Tico Dirksz, Salomon Heyden, "Chicks", Ronny, Dr. "Snake", Lito "Paga Candel", "Snor" Perez, y "Niet zomaar een Taxista" tabata aline a caba cla pa zaag e palo di kwih di Bou Palo Boys. Ora halftime a dal aden, ya Team 99 tabata dilanti cu 11-5! Manera custumber, e pasapalanan a skeiro bay off completamente gratis, pero

despues di e "mondjes", tabata "business as usual" pa Team 99.

Sin misericordia, Dr. Han y su sicarionan a pone aw'i wowo basha for di Ingeniero Werleman y su gang di Bou Palo ora nan a suta e "Bou-palistanan" c'un score impresionante di 21-12! Un score "palindromo"! Shonnan, keda pendiente pasobra e palo di kwih ta bay saca reis atrobe!



Astronautnan di Artemis ta bisa cu ainda nan ta sinti emocional pa e sobrevuelo di luna

(AFP) - Nan a tuma miles di potret y documenta hopi observacion durante nan biahe rond di e luna, pero mientras nan tabata yegando mas cerca di cas, e astronautnan di Artemis a bisa diahuebs cu nan apenas a cuminsa procesa e experiencia extraordinario cu nan a comparti.

“E mente humano no mes-ter pasa den loke esakinan a caba di pasa den dje,” Reid Wiseman a, comandante di e mision Artemis II di NASA, a bisdurante un conferencia di prensa for di espacio.

“E ta un berdadero regalo. Y nos tin hopi pa pensa riba dje y skirbi den diario y pone riba papel, y despues nos lo haya e sensacion completo di loke nos a caba di experiencia.”

E cuatro astronaut — e Mericanonan Wiseman, Victor Glover y Christina Koch, y e Canades Jeremy Hansen — a establece un record di distancia for di tera durante nan vuelo lunar.

E astronautnan tabata papiando cu medionan di noticia menos cu dos dia prome cu



nan ta programa pa baha den e Oceano Pacifico na fin di nan mision di dies dia rond di e luna.

“Mi no a ni cuminsa procesa loke nos a pasa aden,” Glover a bisa. “Ainda nos tin dos dia mas, y monta un bola di candela door di atmosfera ta algo profundo tambe.”

“Lo mi pensa riba y papia di tur e cosnan aki pa resto di mi bida.”

Wiseman a bisa cu e eclipse solar tabata particularmente conmovedor: “Mi ta sinti ‘kippenvel’ aworaki mes djis

pensando riba dje.”

‘Planeta fragil’

Ora a puntra kico nan lo haya falta di bida celestial, Koch a bisa “camaraderia”.

“Lo mi haya falta di ta asina cerca cu tanto hende y di tin un proposito comun, un mision comun, y por traha duro riba dje tur dia a traves di shen miles di miya hunto cu un team riba tera,” el a bisa.

“E sentido aki di trabao di team ta algo cu normalmente bo no ta haya, manera, como

adulto,” Koch a agrega. “Nos ta hopi pega cu otro, manera ruman. Esaki ta un privilegio cu nos lo no tin nunca mas.” Pero el a bisa cu, aunke nan a comparti un espacio chikito — y un baño cu no ta funciona bon — pa mas cu un siman awor, “mi no ta kere cu tin algo cu mi lo bisa... cu mi simplemente ta cla pa e termina.”

“Tur esaki ta un pakete. Nos no por explora mas profundo si nos no haci algun cosnan cu ta incomodo, si nos no haci algun sacrificio, si nos no tuma algun riesgo.”

“Tur e cosnan aki ta bale la pena.”

Koch a bisa cu e team a “gusta biba den Orion,” nan nave espacial, aunke e tabata un espacio preta.

“E ta mas grandi den micro-gravedad,” el a bisa, pero “nos ta dal den otro tur biaha.”

Hansen a bisa cu el a mira cosnan “cu mi nunca por a imagina” durante e momento cu nan tabata bula rond e cara scondi di e luna.

Pero el a bisa cu su perspectiva riba bida ta keda planta den realidad: “Nos ta biba riba un planeta fragil den e vacio y e nada di espacio.”

“Nos proposito riba e planeta como hende ta pa haya alegria...y eleva otro creando solucionnan hunto en bes di destrui,” Hansen a bisa na e periodistanan for di su punto di bista hopi halto riba nos cas.

“Ora bo mira esaki for di aki riba, esey no ta cambia. E simplemente ta reafirma esey completamente.”

Pinguin emperador clasifica como especie den peliger di extincion

(AFP) - E pinguin emperador a ser declara un especie den peliger di extincion mientras cu cambio climatico ta pusha e icono di Antartica un paso mas cerca di extincion, segun e autoridad global riba bida silvestre menasa a anuncia esaki diahuebs.

Su cambio di status for di “casi menasa” pa “den peliger di extincion”, haci pa e International Union for Conservation of Nature (IUCN), ta subraya e menasa existencial pa especienan cu ta depende di ijs mientras cu calentamiento global ta remodela profundamente e continente di ijs.

Pinguinnan emperador ta depende di ijs marino stabiel — basicamente plataformanan di awa di lama congela — pa biba, caza y reproduci.

Nan cantidad a baha fuertemente mientras cu calentamiento causa door di emisionnan di gas di efecto invernadero a haci e ijs marino

kibra mas trempan den e aña. E IUCN — un red global di cientificonan, gobiernonan y gruponan di conservacion — a indica cu cambionan den ijs marino ta anticipa pa baha e poblacion di pinguin emperador pa mita te den e añanan 2080.

Nan “a conclui cu cambio climatico causa pa hende ta representa e menasa mas significante pa pinguinnan emperador”, Philip Trathan, parti di e grupo di experto di IUCN cu a traha riba e evaluacion di e Lista Cora, a bisa den un declaracion.

E Lista Cora di Especie Menasa ta ser manteni pa IUCN y ta e referencia global riba e status di extincion di plantanan, animalnan y hongo. Tin seis clasificacion, for di “preocupacion minimo” te “extinto”.

Pinguinnan emperador awor ta ocupa un posicion dos stap bao di “extincion den bida silvestre” — un categoria pa un especie cu solamente ta



sobrevivi den captividad, y no den naturalesa.

E cacho di lama Antartico — cual algun biaha a ser caza casi te extincion pa nan cuero — tambe a ser movi pa “na peliger di extincion”, despues cu su cantidad a baha mas cu 50 por ciento for di 1999.

“E declinacion continuo ta debi na cambio climatico, ya cu temperatura di oceano mas halto y reduccion di ijs marino ta pusha krill pa profundidadnan mas grandi di

oceano en busca di awa mas friu, reduciendo disponibilidad di cuminda pa cacho di lama,” IUCN a bisa.

‘Icononan riba ijs’

Esun mas grandi y mas pisa di tur especie di pinguin, cu un marca colorido oro-oranje na nan garganta, pinguinnan emperador a bira simbolico di e lucha pa sobrevivi den e clima duro di Antartica.

Nan ta reproduci riba ijs

marino den pleno invierno, unda e machonan ta tene nan webo cayente entre nan pia.

E superficie di ijs tambe ta ofrece un habitat pa nan baby durante temporada di migracion prome cu nan bira resistente contra awa.

E ijs marino di Antartica ta pasa pa cambionan estacional hopi grandi, ampliando durante invierno y reduciendo durante zomer.

Pero mientras cu temperatura global a yega nivelnan nobo, e ijs marino a cuminsa retira mas trempan den primavera y a bira menos stabiel.

E ijs marino ta na nivelnan abao record desde 2016 y e impacto riba pinguinnan emperador ta bon documenta.

Imagennan di satelite ta indica cu alrededor di 20.000 adulto — algun 10 por ciento di e poblacion — a disparce entre 2009 y 2018, segun IUCN.

Accidente pa falta di preferencia cu hende herida na crusada Koningstraat/Emmastraat

Diaranson anochi a drenta informe di un accidente cu hende herida na e crusada Koningstraat/Emmastraat, mesora a dirigi tanto polis como ambulance na e sitio.

Na yegada di e patruya ya caba ambulance a yega y tabata atendiendo e victima chauffeur di e van. Despues di a atend'e a transport'e pa hospital. Pa locual ta e accidente ta cu un turista chauffeur no a ni para pa duna preferencia y a bay dal riba e van.



Chauffeur di van a dal bus cu turista

Diahuebs merdia a drenta informe di un accidente cu hende herida na e crusada Pampoenstraat/Caya Juancho Kock, mesora a dirigi tanto polis como ambulance na e sitio.

Na yegada di e patruya ya caba ambulance tabat'ey atendiendo e victimanan. Locual a sucede ta cu e Suzuki Carry Van biniendo di pariba no a para pa duna preferencia na e Hyundai Minibus County cu tabata bayendo nort for di



zuid y a dal e Carry Van bir'e 90 grado y mand'e te otro banda di caminda mientras e bus a bira 45 grado. Ambulance a atende e chauffeur y a transport'e pa hospital mientras un turista den e bus tambe a resulta herida pero a ser atendi na e sitio mes.



Huma tabata sali for di dak di un cas na Opal



Diamars atardi a drenta informe di cu tin candela den e dak di un cas na Opal, mesora a dirigi tanto polis como bombero na e sitio.


Na yegada di e bomberonan a subi riba e dak di e prome piso y a nota cu huma ta saliendo for di e dak di e prome piso mes y a cuminsa torno parti di e dak te yega unda

un waya a kenta un biga. Esaki tabata kimando y tabata e causa di e huma cu tabata sali. Mesora a desconecta e waya y a paga e candela.

Mucha di 7 aña a pega cu pan na Catiri

Diaranson mainta a drenta informe di cu un mucha di 7 aña a choca cu pan y a keda pega. Mesora a dirigi un ambulance na e sitio.

Na yegada di e ambulance nan a atende e mucha na e sitio mes y a alivi'e di su dolor. Despues di a yuda e mucha aki nan por a sigui cu nan trabao.



Hinca pasobra a bisa no: Misoginia online ta impulsando violencia na Brazil?

(AFP) - Alana Anisio Rosa, di 20 aña, a respetuosamente rechasa un homber di su gym cu tabata keda mand'e flor y chuculati. Un luna despues, el a drenta su cas y a hink'e alrededor di 50 biaha.

Su mama, Jaderluce Anisio de Oliveira, di 53 aña, a topa cu e escena den februari despues di a yega cas trempan na Sao Goncalo, un ciudad na Rio de Janeiro. "El a keda hink'e, biaha tras biaha," Oliveira a conta AFP. "Mi a hal'e. Henter mi sala tabata cubri di sanger."

Mientras Alana tabata lanta for di un coma induci y a recupera di varios operacion e simannan cu a sigui, videonan riba TikTok a bira viral na Brazil di hende homber ta golpia y hinca popchian cu e lema: "Training en caso cu e bisa 'no.'"

Oliveira a bisa cu su yiu muhe su atacador "a sigui e tipo di contenido specifico aki," riba rednan social.

Na Brazil, alerta ta aumentandotocante un aumento di contenido yama 'Red Pill' misogynico, cual expertonan ta adverti por ta contribuyendo na crimennan contra hende muhe den un pais cu ya caba ta luchando contra tasanan halto di violencia basa riba genero.

Den januari, despues cu un mucha muhe di 17 aña a ser viola pa 5 hoben na Rio, un di e sospechosonan a entrega su mes na polis cu un t-shirt cu ta bisa "Regret Nothing" - un



frase conecta na influencernan 'Red Pill' prominente.

Dos luna despues, a aresta un militar pa supuestamente los tiro contra su casa, ken tabata kier divorcio. Den mensahenan di texto publica pa media local, el a describi su mes como un "alpha male," bisando cu e mester ta un "muhe beta sumiso y obediente."

Daniel Cara, un profesor na University of Sao Paulo (USP) ken a investiga e cultura 'Red Pill' - un fenomeno internacional - a bisa cu e ta ambos "legitimisa y encurasha," violencia contra hende muhe.

Brazil a mira 1.568 asesinato di hende muhe den 2025, e cantidad mas halto desde cu femicidio - un forma specifico y grave di homicidio - a bira un crimen un decada atras.

Presidente Luiz Inaco Lula da Silva a bisa recientemente cu "hende homber ta birando cada biaha menos humano y mas violento." Estela Bezerra, hefe di Brazil su oficina pa

violencia contra hende muhe, a conta AFP cu e ta kere cu misoginia online ta hunga un rol grandi. "E contenido 'Red Pill' ta, fundamentalmente, mensahe di odio. E ta plama un set di balor cu ta menasa di manda nos sociedad back den un era di barbarismo."

E termino ta bini for di e pelicula hit di 1999 "The Matrix," den cual bebe un pildo cora ta revela un berdad scondi y hopi biaha inconfortable.

Un estudio di Federal University of Rio de Janeiro a demostra cu 123 canal di YouTube conteniendo mensahenan di odio y promoviendo control riba hende muhe tabatin 23 miyon subscriber den maart di 2026. E cantidad aki a crece 18% den dos aña.

Flavio Rolim, hefe di polis su unidad di crimen cibernetico, a conta AFP cu mientras no tur hende cu ta consumi e tipo di contenido aki ta bira violento, tin un "proceso di radicalisacion" di hende homber.

E ta cuinsa cu exposicion



na e ideologia di "violencia tapa" den cual hende homber afecta pa feminismo ta promove un regreso na rolnan di genero tradicional y dominacion di hende homber den relacionnan. Algun hende homber despues ta migra pa comunidatnan online cu ta comparti "videonan di hende muhe cu ta fisicamente agre-di. Henter dia, contenido cu ta ilustra hende muhe viola ta circula ey."

Antes scondi den e partinan mas scur online, e contenido awo ta facil di haya.

Un buskeda lihe di AFP via un grupo di Telegram a muestra meme tocante violacion y videonan di homber ta bati hende muhe. Na algun plataforma, el a bira algo comun pa describi hende muhe como "violable" of no.

"Esaki ta duna impulso na un fenomeno cu ta bay mas aleu cu kita e sensibilidad : e ta kita e humanidad di henteru n genero," Rolim a bisa.

Den februari, un operacion di polis a enfoca contra hen-

de homber di Brazil involu-cra den un red internacional cu tabata droga y viola hende muhe y comparti videonan di e abuso. Algun comentaristanan conservativo ta argumenta cu e movimiento "Red Pill" ta primeramente tocante mehoracion propio di hende homber y no tin conexion cu femicidio.

"Nan a djis haci e movimiento Red Pill e culpable, culpando e pa esaki y esey, aunke e tipo di cos aki tin varios aña andando," Raian Santos, un influencer Brasileiro hopi bi-aha asocia cu e comunidad, a bisa riba YouTube.

Expertonan ta particularmente preocupa tocante con e contenido aki a drenta e algoritmo di hobennan. Rolim a bisa cu polis a haya gruponan di hobennan di 15 y 16 aña den chat group bisando: "Dicon mi lo tin un relacion cu un mucha muhe ora mi por djis viol'e?"

Na un scol den Rio de Janeiro, Aña Elizabeth Barcelos Barbosa, di 13 aña, a conta AFP cu influencernan ta pushando e idea cu "un muhe su unico proposito ta di sirbi homber" y esaki ta cabando cu e autoestima di mucha muhenan.

"Nos ta cuminsa pensa: Nan ta bisando e berdad?" el a conta.

Preocupacion creciente tocante e fenomeno a trece un cantidad di proposicion legislativo reciente. Legislador Reimont Luiz Otoni Santa Barbara a introduci e "Proposicion Red Pill," cu e meta di criminalisa contenido cu e ta bisa ta promove violencia contra hende muhe.

Otro proposicion aproba pa Senado luna pasa tin meta di clasifica misoginia como un crimen similar na racismo.



Paris a haci hasta un sandwich di ham bira chic

(AFP)—For di toon-banknan di bistro te hotelnan di luho, e simple sandwich Parisièn di ham of “jambon beurre” a pasa den un transformacion impresionante.

Den pasado considera un almuerzo simple pa hende den pura y cu poco placa, e baguette cu ham y manteca a bira den e ultimo añanan un clasico gourmet.

Ora e tabata estudiante duran-
te añanan 1970 y “completa-
mente sin placa”, e almuerzo
doño di restaurant Gilles
Caussade tabata un sandwich
haci “cu pan di un dia bieu,
manteca y un pida chikito di
ham”, comi para na un toon-
bank di un cafe.



Cuarenta años después ora el a tuma cargo di un di e bistronan Parisien clasico, Le Petit Vendome, den un caya chic entre Louvre y Opera, Caussade a tuma un decision fuerte: no cambia absolutamente nada — especialmente

no su famoso sandwich “jam-
bon beurre”.

For di e mesanan di Formica y e forma di midi biña cu un cabuya, te na e tabla di palo bieu usa pa prepara e sandwichnan, tur a keda mescos.

Celebridadnan manera Lady Gaga y Mark Zuckerberg di Meta, mescos cu bankeronan, estudiante y turista, tur a bin pa un sandwich — pa apenas 6,50 euro.

Aña pasa revista Time Out a nombr'e "e mihor sandwich di mundo".

Después, red social a causa demanda pa subi drasticamente. Bareranan awor ta controla fila cu ta sali riba e acera y un terminal di pago dedica ta mantene movimiento pa e aproximadamente 400 sandwich cu ta vende diariamente for di mainta te mey anochi.

Mitar baguette

Caussade a bisa cu su jambon
beurre ta basa riba “cinco se-
creto cu no ta secreto mas”.

“Promé, mitar baguette cu dos punta crujiente — sino e ta bira hopi seco. Despues manteca di Normandia batí, semper sin salo. Salo riba carni cura ta salo riba salo, e no tin sentido,” el a bisa.

“Productonan di calidad halto, 99 por ciento for di Auvergne” den Francia central rural. “Despues e hecho cu e ta haci na momento di orden, pasobra un sandwich cu a ser refrigera no ta dushi mas. E pan ta bira flaco y e manteca ta bira duro.

“Y finalmente, generosidad,”

el a agrega.

Pa un trio di muhernan Mericano cu a warda 15 minuut pa pidi, e experiencia a cumpli cu expectativa.

“Mi yiu muher a mir’e riba TikTok y nos mester a bin,” turista Lauren Davies a bisa. “Mi ta compronde, pa hende di Paris esaki ta loke hot dog ta pa hende di New York.”

Sofistica

E popularidad di e sandwich no ta muestra señal di para. Na 2024, chef di pasteleria Cedric Grolet a causa conmocion online ora el a introduci un “jambon beurre” cu truffe.

Na Ritz Paris, patissier Joris Theysset a bisa cu e “ta acepta completamente” e concepto, ofreciendo posiblemente e jambon beurre mas caro di ciudad na 15 euro.

“Un ‘Parisien’ tradicional normalmente ta 60 por ciento pan y resto reyno. Nos a dicidi pa inverti esey,” el a bisa AFP.

Su version ta un pan yena cu ham Prince de Paris — haci artesanalmente den e capital — pidanan fini di keshi Comte, manteca cu mosterd y gherkin chikito.

“E idea ta pa eleva un simbolo di cushina Frances y Parisièn usando tur experencia di Ritz y productonan premium, mientras cu ta keda fiel na recuerdonan di infancia,” el a bisa.

For di shimis preto chikito di
Coco Chanel te na jambon
beurre, e filosofia Frances cu
sostificacion berdadero ta bin
for di simplicidad ainda ta va-
lido.

Nos a yega leu “for di añanan 1970 ora cosnan no tabata bon,” Alain Roussel, conoci como Alain Miam Miam, otro leyenda di sandwich di ham Parisièn, a bisa.

For di su stand popular na un sitio di cuminda ocupa canto di lama den e distrito Marais, e ta vende 300 te 400 sandwich tur dia, yena cu ingredientenan fresco den pan rustico.

“Cu pan organico, calidad halto pero costo controla,” y un prijs di 13.50 euro, e pensionado a haya su propio receta pa exito.

Resultado Sorteo
9 april 2026

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
7947	1104	5015	5596
6472	6385	SUPER5	1301
9114	7907	-	0990

MERDIA

Sorteo # 4941	Sorteo # 8819
9770	9249
2521	9799
0446	2732
X3	X2
Sorteo # 4941	Sorteo # 7863
6063	9827
X2	X3
Sorteo # 2997	Sorteo # 2568
5522	7121
Sorteo # 4941	Sorteo # 6622
1626	1120
Scorpio	Tauro
Sorteo # 1815	Sorteo # 1552
363	430
X2	X2

Sorteo #	Joker Letter
0 x Jackpot	Proximo Jackpot
0 x Match 4+	160.000,-
0 x Match 4	
0 x Afl. 12,00	

	10-13-16-20-22
Sorteo # 7147	Proximo Jackpot
0 x Jackpot	62.000,-
9 x Match 4	
182 x Afl 8,00	

Sorteo #	Mega Ball
0 x Jackpot	Proximo Jackpot
0 x match 4	650.000,-
0 x Afl. 500,00	
0 x Afl 50,00	
0 x Afl.15,00	

	Afl 1.000.000,-
--	-----------------

	Sorteo #
Sorteo #	





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**

Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel.297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Oduber : Seroe Preto:
Tel. 582 1780 Tel. 584 4833
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

**Aruba Transfer Tour &
Taxi C.A.**

Tel: 582 2116 /582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Organisacion benefico ta rescata mas di 250 cacho for di un solo cas

(AFP) - Un organisacion di caridad pa bienestar di bestia a revela cu el a rescata mas di 250 cacho for di un solo cas na Reino uni, cu un potret di e escena causando “duda” y acusacionnan falso cu e imagen ta genera pa inteligencia artificial.

Royal Society for the Prevention of Cruelty to Animals (RSPCA) a bisa cu e mas di 250 rasa di poodle mescla a ser haya na e propiedad den un localidad cu no a revela anteriormente e aña aki. E organisacion mundial mas bieu na mundo, RSPCA a tuma 87 di e bestianan rescata, mientras cu e resto a bay otro organisacion, Dogs Trust.

RSPCA a bisa cu e caso “impactante” tabata e chempel mas recien di su empleadonan descubriendo cantidadnan grandi di mascotanan cu mester di rescate for di nan cas so. El a responde na 4.200 aña pasa rond di Inglatera y Wales cu a involucra por lo menos 10 bestia y e mesun



adres - un aumento di 70% desde 2021.

Casonan involucrando decenas y te hasta centenares di bestia tabata “den aumento”, y por conecta esaki na problemanan di salud mental, crisis di costo di bida of criaderonan operando cu mal practicanan, e organisacion a bisa. RSPCA a bisa cu hende a incorrectamente sugeri cu e imagen di e cachonan rescata tabata falso, despues cu a publica esaki riba rednan social y causa “duda entre e publico general.”

Den e potret por mira decenas di e cachonan, varios den man condicion fisico, den e sala di e cas riba otro. E organisacion mester a responde na decenas di comentario for di hendenan preocupa.

“E imagen impactante aki ta e realidad di varios caso di animal y e situacion cu nos oficialnan ta confronta cada biahha mas y mas,” Superintendente Jo Hirst a bisa diaranson ora cu e potret a bira viral.

Pronostico di tempo

Tempo:

Awe tardi y awe nochi: parcialmente nubia y seco
Den marduga y mañan: parcialmente nubia sin awasero di importancia.

Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 37 grado Celsius
Uv index: 12

Bahada di solo: 6:52pm
Subida di solo: 6:30am

Biento:

Modera te basta fuerte for di direccion oost te oost-zuidoost; forsa 4 te 5 (20 te 39km/ora, 11 te 21 nudo).
Durante di dia fuerte te duro den rafaga; forsa 6 te 7 (40 te 61km/ora, 22 te 33 nudo)

Situacion general di tempo:

E area di presion halto riba Atlantico ta e factor dominante di weer den region. Esaki lo sostene un biento modera te basta fuerte cu lo yega fuerte te de bes en cuando duro den rafaga. Mas aleu por bisa cu weer generalmente seco lo domina durante e periodo di pronostico aki.

Di otro un banda por bisa cu concentracion leve te modera di stof di Sahara lo limita visibilidad y trece aire di menos calidad den region. Personanan cu tin sensibilidad pa cambio di calidad di aire mester tene esaki na cuenta.

Condicionnan maritimo/ estado di lama:

Na partinan protegi di costa: keto cu olanan rond di 1 pia.
Na partinan zuid protegi: tranquil, 1 te 2 pia.
Na partinan zuid no protegi: tranquil te modera cu olanan alrededor di 2 pa localmente 3 pia.
Na partinan oost te noordwest di costa: modera te localmente poco bruto cu olanan alrededor di 4 pa 7 pia, localmente 8 pia.

Aviso/ alerta:

Ocupantenan di boto chikito mester bai cu cautela na partinan oost, noord te noordwest di costa. Usuarionan di lama y landadonan tambe mester bai cu cautela na e partinan no protegi na costa zuid



Aurora

Royal Pray

Funeral Home & Crematory

"Dios ta amor... y amor ta Dios,
maske mi no ta na e mundo aki, tur
dia lo mi ta banda
di boso Curazon, mi por stens di
loke Señor ta hasi"
Salmo 33



Cu dolor na nos curason, pero
conforme cu Dios su boluntad, nos
ta anuncia fayecimento di nos ser
stima:

Sra. Maria Josefina Jacopucci
Cariñosamente yama "Fita"
*27-10-1937 - †03-04-2026

Mayornan: Francisco Jacopucci y Anastacia Jacopucci
Tata di su yiunan: † Lorio Krosendijk

Na number di su **yiunan:**
Maria A. Krosendijk y yiunan
Angel J. Krosedijk y yiu
† Johnny Krosendijk y yiunan
Jimmy Krosendijk y yiunan
Lilian Krosendijk y yiunan
Vivian Krosendijk y yiunan
Caesar Krosendijk y yiunan
Dianira Krosendijk y yiunan

Mescos cu un yiu: Marie Denise Sylla Rosanna

Nieto y Nieta nan na Aruba y Hulanda:
Marisol y Muchaina, Ettienne, Johnny, Jelitza, Angelique,
Jeniree, Shandee, Kimberly, Edgar, Elizabeth, Lyanne,
Louisebeth, Vivienne, Juni, Joel, Ru, Sjeandree.

Tur e bisnieto nan tanto na Aruba y Hulanda y Merca
Su ihanan

Su Rumannan
Petra Henricus-Jacopucci y famia
Hose (Joy) Jacopucci y famia
Bernadeta Jacopucci y famia
Margarita C. Jacopucci y famia
† Maria Petrochi y famia
† Juan Jacopucci y famia
† Tony Jacopucci y famia
† Efrain Jacopucci y famia
† Beatriz Jacopucci y famia
† Fenchi Jacopucci y yiu
† Filomena Jacopucci y famia
† Giovanni Jacopucci

Su comer nan stima: Gregoria Shongher, † Betty Jansen
Primo y primanan, sobrino y sobrinanan na Aruba, Corsow
y Hulanda

Amigonan di cas:
Esmeralda Krosendijk y famia
Milo y Yvonne Krosendijk
Hong y famia
Frederic Horeb y famia
Roberto Gonzalez y famia
Minister Arthur Dowers y famia
Minister Mike Eman y sra
Su bon bisinja nan di Olijfstraat Dakota:

Demas famianan: Jacopucci, Krosendijk, Sylla, Rosanna,
Shongher, Petrochi, Kock, Henricus, Rodriquez,
Christiaans, Solognier, Wernet, Koolman, Jaramillo,
Choles, Elizabeth, Point Du Jour, Gamez, Arrevalo, Bikker,
Dania, Quandus, Wever, Albetsz, Tromp, Hong, Gonzalez,
Winklaar, Dirksen, Dirks, Williams, Donata, Chaljub,
Flanegin, Rollock, Maduro, Jansen, Dowers, Eman, Slamet,
Giel, Ignacio, Cornelio, Dijkhof, Horeb, Peterson, Vrolijk,
Brown, Lake, Rijke

Condolencia lo tuma lugar na Aurora Funeral home
diabierna 10 di april 2026 di 7or pa 9or di anochi.

Ta invita pa acto di entierro cual lo tuma lugar diasabra
11 di april 2026 na Misa Birgen di Fatima na Dakota di 2or
pa 4or di atardi. Despues lo sali pa Santana Central Sabana
Basora

Despensa nos si den nos tristeza por a lubida un of otro
famia of conoicir.
Despues di entierro no ta ricibi bishita na cas.

Aurora

Royal Pray

Funeral Home & Crematory

Un cos so mi a roga Señor:
esey so mi ta t' anhelá
cu mi por biba den cas di Señor
tur dia di mi bida
pa contemplá splendor di Señor
y bishitá su tēmpel
Salmo 27:4



Cu dolor na nos curason,
nos ta participa fayecimento di nos ruman stima

Maria Coromoto Ruiz,
*07-07-1956 – †31-03-2026

Na number di
Su mayornan: † Alfredo y † Regina Ruiz-Ridderstaat

Su rumannan y sobrino(a)nan
Filomena y Antonio Geerman-Ruiz y yuinan
Jose Emmanuel Ruiz y Anna Witsenburg y yuinan
Alfredo y Jaqueline Ruiz-Trinidad y yuinan

Su Omonan y tantanan:
† Reina Lambertus Ridderstaat
† Hermonica Ridderstaat
† Joaquin Ridderstaat
† Nemencio y Memita Ridderstaat-Diaz
† Juan y Gisela Ridderstaat-Maduro
† Andres y † Teresita Ridderstaat-Semeleer
† Paus y † Ramona Ruiz-Coronel
† Sylvania y † Melvin Capello-Ruiz

Su primo-y primanan:
Editha y † Juan Lopez-Lambertus y nan yui
Gabriela Lopez y Ewald Winklaar y yiunan
† Alfred Lambertus y yiunan
Rosanna Ridderstaat y yiu
Chito Ridderstaat
Susan Ridderstaat y yiunan
† Maria Altagracia y † Ricardo van der Biezen-Ridderstaat y yiu
† Juan Carlos Ridderstaat
Annie y Sergio Barros- Ridderstaat
Alexander Ridderstaat
Mildred Ridderstaat y Javier Ras y yiunan
Andresito Ridderstaat
Jorge Ridderstaat y Mildred Dirksz y yiunan
Arminda (Vivi) y Facundo Franken-Ruiz
Alfred Ruiz y May Wong
Danilo Ruiz y Jesper de Jong
Mariela y Jasper Bruin-Ruiz
Melvany Capello y yiunan
Sidney y Gesmeline Capello-Leito

Demas famia y conoicirnan: Maria Luisa Dirksz, Jenny,
Marcia, Carmencita y Benny Cornelio, Sheila y Peter,
Astrid y Kili Tromp-Hoek, Aileen Franken, Martha Maduro
y Gerladine Angela-Croes, demas bisiñanan, ex coleganan
di DIMP y tur demas amigo- y amiganan y conoicirnan

Famia: Ruiz, Geerman, Trinidad, Witsenburg,
Gordon, Lambertus, Lopez, Winklaar, Ras, Capello,
Ridderstaat, Barros, Dirksz, Franken, Wong, de Jong, Bruin,
Leito y Swaen.

Gradecimento:
Dr. Mikkeo Martis
Dr. Sil Kordes
Sra Lola Geerman di WKF
Personal di Oconlogie afdeling

Nos disculpa si den nos tristesa nos por a lubida un of otro
famia y amistad

Nos ta invita pa **acto di despedida** cual lo tuma lugar ariba
diahuebs 16 april 2026 for di 9or pa 11or di mainta na Pro-
Cathedral San Francisco de Asis, Oranjestad y despues lo
sali bay pa Santana Catolico na Playa.

Nos ta lamenta cu despues di entierro nos lo no por ricibi
bishita di condolencia na cas.

Aurora

Royal Pray

Funeral Home & Crematory

The Lord said, "My precious child, I never left
you
during your times of trial and suffering,
when you saw only one set of footprints,
it was then that I carried you"

Cu dolor na nos curason, nos ta participa
fayecimento di nos ser stima:



Jean Isaac August Tromp
*21-08-1951 - †08-04-2026

Acto di entierro lo wordo anuncia despues

Aurora

Royal Pray

Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi ta
banda
di boso Curazon, mi por stens di loke Señor ta
hasi"
Salmo 33

Cu dolor na nos curason, nos ta participa
fayecimento di nos ser stima:



Sra. Aurora Margarita Rodulfo
*25-08-1950 - †03-04-2026

Acto di entierro lo wordo anuncia despues

A registra caída 'histórico' di 23,1 por ciento den ayudo di desaroyo den 2025

(AFP)—Ayudo di desaroyo a sufri un “caída histórico” di 23.1 por ciento den termino real año pasa, OECD a bisa diahuebs, culpando un retiro grandi di apoyo di Merca memey di tensionnan presupuestario y geopolítico.

E Organización pa Cooperación y Desaroyo Económico (OECD), cu tin su sede na Paris, a bisa cu su datonan preliminar ta mostra cu ayudo oficial pa desaroyo (ODA) di paisnan miembro di su Development Assistance Committee a yega \$174,3 bilyon año pasa, un caída pa di dos año consecutivo.

“Esaki ta e contracción anual mas grandi registra den his-



toria di ODA,” OECD a bisa, notando cu e total ta representa apenas 0,26 por ciento di ingreso nacional bruto combina di paisnan contribuyente.

OECD a bisa cu 26 di 34

miembro a reduci nan ODA, cu e cinco proveedor mas grandi hunto (Francia, Alemania, Hapon, Reino Uni y Merca) ta representa 95,7 por ciento di e caída di año pasa.

“Merca so a causa tres cuarto parti (75,1 por ciento) di e descenso, unda su ODA a baha cu 56,9 por ciento, marcando e reduccion mas grandi pa cualkier proveedor den cualkier año registra,” e organización a bisa.

Aunke recortenan di Alemania a acumula na 17,4 por ciento, escala di e caída di Merca a haci cu Alemania bira e proveedor mas grandi di ODA pa prome biaha.

E NGO contra pobreza Oxfam a critica e recortenan fuertemente, señalando e rol crucial di e ayudo den combate enfermedadnan manera HIV-AIDS y malaria.

“Gobiernonan rico ta bira

lomba na bida di miyones di muher, homber y mucha den Sur Global cu e recortenan severo di ayudo aki,” Didier Jacobs, hefe di financiamiento di desaroyo na Oxfam, a bisa.

El a bisa cu Institute of Global Health di Barcelona ta calcula cu recortenan global di ayudo di e magnitud aki lo mata shen miles di hende.

“Si e tendencia aki sigui, recortenan di ayudo por mata mas cu nueve miyon hende pa 2030,” Jacobs a bisa.

El a urgi gobiernonan pa restaura nan presupuestonan di ayudo y fortalece un sistema humanitario global cu ta enfrenta “su crisis mas serio den decadas”.

Huicio di corrupcion di Netanyahu lo cuminsa atrobe despues cu Israel kita restriccionnan di guerra

(AFP)—Huicio di corrupcion di prome minister Israelí Benjamin Netanyahu lo cuminsa back diadomingo, Corte di Distrito di Jerusalem a confirma, despues cu kita restriccionnan di emergencia imponi durante e conflicto cu Iran.

Un declaracion di corte diahuebs a bisa cu “regreso na trabao di sistema hudicial” ta nifica cu huicio di Netanyahu ta cla pa continua, cuminsando cu un audiencia diadomingo cu lo inclui testimonio di un testigo di defensa.

Actividad di corte na Israel a

ser interumpi pa motibo di e conflicto, pero Comando di Frente Interno di ehército a aproba un reapertura amplio den gran parti di e pais despues cu Merca y Iran a yega na un tregua temporal.

Netanyahu ta enfrentando acusacionnan den dos caso unda supuestamente el a negocia cobertura faborabel cu medio di noticia Israeli, y un di tres caso ta trata di acusacion cu el a acepta mas cu \$260.000 den regalo di luho di miyonarionan na cambio di fabornan politico.

Un cuater acusacion di corrupcion a ser kita anterior-

mente.

Netanyahu, ken a nenga repetidamente cualkier mal hecho den e tres caso den corte, ta e prome premier Israelí cu ta enfrenta huicio pa corrupcion mientras e ta na poder ainda.

Netanyahu a argumenta pa hopi tempo cu e proceso contra dje, cual a cuminsa na 2019, ta un “huicio politico”.

Presidente di Merca Trump na october a dirigi directamente na presidente Israeli Isaac Herzog den un discurso na parlamento Israeli, pidiendo pa duna absolucion.



Despues di e discurso di Trump den parlamento, el a manda un carta na Herzog pidiendo pa Netanyahu

ser absolvi, despues di cual un peticion oficial di abogadoan di Netanyahu a drenta despues.

Israel y Libanon lo mantene combersacion di acuerdo pa stop combate otro siman

(AFP)—Israel y Libanon lo tene combersacion proximo siman na Washington, un oficial di Departamento di Estado a bisa diahuebs, mientras preocupacion ta crece cu combate cu Hezbollah por causa e tregua fragil entre Merca y Iran pa colapse.

Bombardeonan mas fuerte di Israel riba Libanon desde cu Hezbollah a drenta e guerra den Medio Oriente na comienso di maart a mata centenares di hende diaranson, sacudiendo e acuerdo pa stop combate entre Washington

y Teheran menos di 48 ora despues cu el a drenta na vigor.

“Nos por confirma cu e Departamento lo organisa un reunion otro siman pa discuti negociacionnan continuo di e acuerdo pa stop combate cu Israel y Libanon,” e oficial a bisa, confirmando un relato anterior di un fuente familiar cu e esfuersonan diplomatico.

Prome minister di Israel Benjamin Netanyahu a duna orden na su ministronan mas tempran diahuebs pa busca combersacion directo cu

Libanon, pushando pa desarma Hezbollah, cual ta ricibi apoyo di Iran.

Pero un oficial di gobierno Libanes a bisa AFP despues di anuncio di Netanyahu cu Beirut ta exige un tregua prome cu cuminsa cualkier negociacion cu Israel, un dia despues di e atakenan mortal den henter Libanon.

“Libanon kier un acuerdo pa stop combate prome cu cuminsa negociacionnan,” e oficial di gobierno Libanes a bisa, ken tin conocimiento di e asunto y a pidi pa keda anonimo.

Ni Israel ni Libanon no a confirma publicamente e combersacion di Merca pa otro siman.

Autoridadnan Libanes a bisa cu atakenan di Israel a mata por lo menos 303 hende y herida 1.150 den e bombardeonan diaranson, mientras Hezbollah a bisa cu e tabata envolvi den combate di cerca cu forsanan Israeli riba tera un dia despues den sur di Libanon.

Hefe di personal di ehército di Israel, Eyal Zamir, a bishita tropanan riba tera na Libanon

diahuebs, bisando nan cu Hezbollah a sufri un “golpi fuerte” pa motibo di e atakenan un dia prome.

Orden di Netanyahu pa negociacionnan directo cu gobierno di Libanon tabata enfoca riba desarma Hezbollah y establece paz, segun un declaracion di su oficina, pero e no a ofrece ningun alivio inmediato di e atakenan aereo.

Un parlamentario di Hezbollah despues a ripiti rechazo di su grupo pa “cualkier negociacion directo entre Libanon” y Israel.

Regimen Irani ta rechasa paro den enrikecimiento di uranium a pesar di exigencianan di Merca y Israel

(Infobae) - E autoridad mas halto di e sector nuclear Irani a sigura cu presion di ambos pais pa cambia e programa nuclear no lo afecta e strategia di Teheran den e negociacionnan nobo programa na Islamabad.

E hefe di e Organizacion di Energia Atómico di Iran (AEOI), Mohamad Eslami, a nenga diahuebs cu Teheran lo stop cu enrikecimiento di uranium a pesar di cu esaki ta un di e exigencianan principal di Merca y Israel den marco di e proceso di negociacion pa yega na un acuerdo definitivo pa pone fin na e guerra.

“E reclamonan y exigencianan di enemigonan pa limita e programa di enrikecimiento di Iran ta solamente desonnan cu lo bay tumba”, Eslami a bisa na agencia di noticia ISNA durante e ceremonia di homenahe pa morto di e Lider Supremo Ali Khamenei, ken a muri 40 dia pasa den un atake lansa pa Merca y Israel.



Di e manera aki, el a subraya cu “ningun ley ni persona” por stop Iran. “Tur e conspiracionnan y accionnan di enemigonan, incluyendo e guerra brutal aki, no a funciona. Awor cu nan ta purbando di yega na un solucion via negociacion, nan ta haci esey solamente pa nan propio beneficio y e di e zionistanan”, el a expresa.

Delegacionnan di Teheran y Washington ta programa pa cuminsa negociacionnan diabierna na capital di Pakistan, Islamabad, pa purba di move den direccion di un acuerdo definitivo despues di e acuerdo pa stop combate acorda entre e partidonan, cual tambe ta inclui reapertura di e Estrecho di Hormuz, cu a keda blokia for di comienso di e ofensiva riba 28 di feb-

ruari.

Aunke e propuesta di acuerdo presenta pa Iran ta inclui den un di su dies clausulan cu Washington mester acepta enrikecimiento di uranium, e ‘roadmap’ di 15 punto di presidente di Merca, Donald Trump, ta pidi pa desmantela e plantanan nuclear Irani y entrega e uranium enrikeci na Agencia Internacional di

Energia Atómico (IAEA).

E presidente de hecho a señalá un dia prome cu e lo traha cu Teheran pa recupera e 400 kilogram di uranium enrikeci cu supuestamente ta “sotera” den instalacionnan nuclear a cambio di relajacion di sancionnan.

E director general di e Agencia Internacional di Energia Atómico (IAEA), Rafael Grossi, a declara na comienso di maart cu “no tin evidencia cu Iran ta creando un bom nuclear”, aunke el a bisa ta preocupante cu Teheran no a duna “acceso completo” na inspectornan di e agencia pa verifica su instalacionnan nuclear.

E ofensiva di sorpresa lansa riba 28 di februari a laga mas cu 3.000 morto, segun cifranan duna pa autoridadnan Irani un dia despues di entrada di e acuerdo temporal di stop combate di dos siman, cual a ser media pa Pakistan.

Ucrania y Rusia lo para combate durante Pasco Ortodox

(AFP) - Ucrania y Rusia lo para combate durante e dianan di Pasco Ortodox, e lidernan di e paisnan den conflicto a declara diahuebs, anunciando un pausa raro di 32 ora den combate.

E guerra di cuater aña anteriormente a conoce treguanan limita y cortico, pero Moscu y Kyiv rapidamente a intercambia acusacionnan di violacion. Cu negociacionnan pa pone fin na e conflicto di cuater aña paralisa pa motibo di e guerra den Medio Oriente, presidente Ucrainiano Volodymyr Zelensky a bisa e siman aki cu el a presenta un propuesta di tregua pa e dianan festivo via Merca.

Den un comunicado diahuebs anochi, Kremlin a informa cu “un acuerdo pa stop combate ta declara for di 16:00 (13:00 GMT) riba 11 di april te cu fin di dia riba 12 di april 2026” pa presidente di Rusia, Vladimir Putin, “den conexion cu e fiesta Ortodox di Pasco cu ta acercando”.

E comunicado di Kremlin no a menciona e propuesta inicial di Kyiv.

Algun ora despues, Zelensky a responde cu “Ucrania a declara repetidamente cu nos ta cla pa tuma medidanan reciproco. Nos a propone un acuerdo pa stop combate e aña aki durante e dianan di Pasco y lo nos actua conforme esey”.

“Hendenan mester di un Pasco liber di

menasa y progreso real pa paz, y Rusia tin un oportunidad pa evita bolbe na hostilidad despues di Pasco”, el a agrega.

Putin a duna instruccion na e Estado Mayor Ruso pa “para operacionnan militar den tur direccion durante e periodo aki”, segun Kremlin, añadiendo cu trupanen ta cla pa “contraresta cualkier posible provocacion di su enemigo”.

“Nos ta asumi cu e banda Ucrainiano lo sigui e chempel di Federacion Ruso”.

E guerra a costa shen miles di bida y a obliga miyones di hende huy for di nan cas, convirtiendo e den e conflicto mas mortal den Europa desde e Segunda Guerra Mundial.

Avancen lento

Durante e ultimo añanan, e combatenan riba frente a keda casi paralisa. Rusia a logra gana teritorionan chikito na un costo halto.

Pero Kyiv recientemente a logra avansa den zuidoost y e avancen Ruso a cuminsa baha desde fin di 2025, segun e instituto Mericano Institute for the Study of War (ISW).

Ademas di contra-atakenan Ucrainiano, analistanan a atribui e disminucion na e hecho cu Rusia a ser prohibi di usa satelitenan Starlink di SpaceX y na



esfuerzo di Moscu pa blokia e app di mensahe Telegram.

E satellite y e app tabata ser usa ampliamente pa comunicacion militar, specialmente pa coordina atakenan cu drone, cual a bira central den e guerra.

Sin embargo, e situacion ta desfavorabel pa Ucrania den e region di Donetsk, den direccion di e ciudadnan di Kratomorsk y Sloviansk, segun ISW.

Moscu kier pa Ucrania retira su trupanen for di ambos ciudad sin pelea como parti di cualkier acuerdo di paz.

Den e ultimo dianan, Ucrania a intensifica atakenan contra infraestructura en-

ergetico Ruso, specialmente puertonan di exportacion di petroleo despues cu prijsnan a subi pa motibo di e guerra den Medio Oriente.

Varios ronda di negociacion lidera pa Merca no a logra pone e dos partido mas cerca di un acuerdo y e atencion di Washington awor ta enfoca riba Iran. E negociacionnan a keda tranca, mientras Moscu ta exigi concesionnan territorial y politico cu Zelensky a rechasa como ekivalente na rendicion.

Actualmente, Moscu ta ocupa poco mas cu 19% di Ucrania, gran parti di cual a ser captura durante e prome simannan di e conflicto.

Minister di Exterior di China ta priminti relacion mas estrecho cu Corea di Norte durante bishita na Pyongyang

(AFP)—Diplomatico principal di China a bisa su ekivalente di Corea di Norte diahuebs cu Beijing ta dispuesto pa aumenta intercambio y cooperacion, media estatal Chino a reporta, despues di nan reunion na Pyongyang.

E bishita oficial di dos dia di Wang Yi na e estado nuclear aïsla diplomaticamente — su prome desde 2019 — ta bin poco despues cu e paisnan bisiña a reanuda conexi-
onnan di transporte cu tabata para desde pandemia di Co-
vid-19.

China ta e socio comercial mas grandi di Corea di Norte y un fuente vital di apoyo diplomatico, economico y politico.

Durante combersacionnan



cu minister di Exterior di Corea di Norte, Choe Son Hui, Wang a elogia e “amistad tradicional crea den sanger” entre e paisnan, segun agencia di noticia estatal Chino Xinhua.

“China ta dispuesto pa traha hunto cu Corea di Norte pa... fortalece dialogo y

cooperacion practico na tur nivel y den diferente sector, (y) profundisa intercambio entre pueblo y cultural,” Wang a bisa Choe, segun Xinhua.

Wang tambe a bisa cu reunion di september na Beijing entre lidernan principal Xi Jinping y Kim Jong Un a duna “guia

strategico importante pa e siguiente etapa di desaroyo” den relacionnan entre e paisnan.

E dos minister di Exterior “tambe a intercambia opinionnan profundo riba asunto actual internacional y regional,” Xinhua a bisa, sin duna mas detaye.

Mas tempran diahuebs, potretnan a mostra Choe ricibiendo Wang na aeropuerto di Pyongyang, canando hunto cune riba un alfombra cora dilanti di un multitud entusiasma cu tabata zwaai bandera di Corea di Norte y China.

Mientras China a habri su frontera completamente despues di pandemia, Corea di Norte a move mucho mas lento.

E ultimo simannan a muestra señalnan di un reapertura cauteloso, aunke visa turistico pa Corea di Norte ainda no ta ser emiti.

Prome cu pandemia, turistanan Chines tabata conta pa mayoria bishitante stranhero na Corea di Norte, rond di 350.000 den 2019 y proporcionando un entrada grandi pa Pyongyang, segun website specialisa NK News.

Air China a reanuda vuelo directo entre e dos capitalnan siman pasa, terminando un pausa di seis aña causa pa e pandemia.

Luna pasa, servicio diario di trein di pasahero entre Beijing y Pyongyang tambe a reanuda.

Atake cu drone na Sudan ta mata 32 hende, incluyendo mucha, den North Darfur

(AFP)—Un atake cu drone riba pueblo di Kutum, controla pa e forsa paramilitar, den estado di North Darfur na Sudan a mata por lo menos 32 civil, incluyendo muher y muchanan, un fuente medico y tres residente a bisa AFP diahuebs.

E atake diaranson a bin memey di un aumento di atakenan cu drone tanto pa ehército di Sudan como pa forsa paramilitar Rapid Support Forces (RSF), cu ta den guerra desde april 2023.

Hassan Khater, un residente di Kutum, a bisa AFP den un mensahe di texto cu e drone a dal un cas unda un boda tabata tumando luga. El a bisa cu e y otronan a dera 32 victima di e atake diahuebs.

Otro residente, Hussein Eissa, cu tambe a participa den e entierro, a manda AFP un lista di e victimanan cu ta muestra cu 12 mucha tabata entre e mortonan.

Un di tres residente, ken a pidi pa keda anonimo pa motibonan di seguridad, a bisa cu e atake a tuma lugar rond di 10:00 anochi (0800 GMT) diaranson y “a dal e cas dos biaha, destruyendo e edificio completamente”.

Comite di Resistencia di El-Fasher, un grupo pro-democracia, a bisa cu e atake a dal e bario Al-Salama y a culpa e ehército pa e atake.

Un fuente medico anteriormente a bisa AFP cu 12 curpa a ser hiba hospital na Kutum, mitar di nan mucha, incluyendo tres mucha muher den estudio secundario.

Diesseis otro a resulta herida, incluyendo muhernan y muchanan, y ta ricibiendo tratamento, e fuente a agrega, papiando bao condicion di anonimidad pa motibonan di seguridad.

E ehército ainda no a duna comentario riba e atake. RSF, entretanto, a condena e atake den un declaracion y a pone e cantidad di morto na no menos cu 56, incluyendo 17 mucha.

Nacionnan Uni a bisa anteriormente cu atakenan cu drone den henter Sudan a mata mas cu 500 civil entre januari y mita di maart, advertiendo riba e “impacto devastador di armamento di alta tecnologia y relativamente barata den areanan habita”.

Fridays from 5pm to 7pm

HAPPY HOUR

50% OFF ON DRINKS & TAPAS

The Birdie CLUB HOUSE RESTAURANT

TIERRA DEL SOL

586-7800 ext. 231 or 242 | tdsba1@iberostar.com
opentable.com/thebirdie
tierradelsol.com